

明史 志六十四之六



| | | | |
|-----|----|---|----|
| 漢書門 | | | |
| 類 | 號 | 函 | 架 |
| 二一六 | 一〇 | 四 | 三〇 |

| | | | |
|------|----|---|----|
| 內閣文庫 | | | |
| 類 | 號 | 冊 | 函 |
| 二一七 | 一〇 | 四 | 三〇 |

| | |
|------|------------|
| 內閣文庫 | |
| 番號 | 漢 2167 |
| 冊數 | 120 (29) |
| 函號 | 281 37 |

廿八



明史卷八十八

志第六十四

總纂明史地理志經筵講官少保兼李太僕保和殿大學士兼管吏部尚書加六級張廷壽等奉

救修

河渠六

直省水利

淺草文庫

三代疆理水土之制甚詳自井田廢溝遂堙水常不得

其治於是穿鑿渠塘井陂以資灌溉明初太祖詔所在

有司民以水利條上者即陳奏越二十七年特諭工部

陂塘湖堰可蓄洩以備旱潦者皆因其地勢修治之乃

分遣國子生及人材徧詣天下督修水利明年冬郡邑

交奏凡開塘堰四萬九百八十七處其恤民者至矣嗣後有所興築或役本境或資鄰封或支官料或採山場或農隙鳩工或隨時集事或遣大臣董成終明世水政屢修可具列云洪武元年修和州銅城堰開周迴二百餘里四年修興安靈渠爲陡渠者三十六渠水發海陽山秦時鑿溉田萬頃馬援葺之後圯至是始復六年發松江嘉興民夫二萬開上海胡家港自海口至漕涇千二百餘丈以通海船且濬海鹽澉浦八年開登州蓬萊閣河命耿炳文濬涇陽洪渠堰溉涇陽三原醴泉高陵臨潼田二百餘里九年修彭州都江堰十二年李文忠

言陝西病鹹鹵請穿渠城中遙引龍首渠東注從其請甃以石十四年築海鹽海塘十七年築磁州漳河決堤決荊州嶽山壩以灌民田十九年築長樂海堤二十三
年修崇明海門決堤二萬三千九百餘丈役夫二十五萬人四川永寧宣慰使言所轄水道百九十灘江門大灘八十二皆被石塞詔景川侯曹震往疏之二十四年修臨海橫山嶺水閘寧海奉化海堤四千三百餘丈築上虞海堤四千丈改建石閘濬定海鄞二縣東錢湖灌田數萬頃二十五年鑿深陽銀墅東壩河道由十字港抵沙子河胭脂壩四千三百餘丈役夫三十五萬九千

餘人二十七年濬山陽支家河鬱林州民言州南北二江相去二十餘里乞鑿通設石陡諸閘從之二十九年修築河南洛堤復興安靈渠時尚書唐鐸以軍興至其地圖渠狀以聞請濬深廣通官舟以餉軍命御史嚴震直燒鑿陡澗之石餉道果通三十一年洪渠堰圯復命耿炳文修治之且濬渠十萬三千餘丈建文四年疏吳淞江永樂元年修安陸京山漢水場岸章邱潔河東堤高密濰決岸安陽河堤福山護城決堤浙江赭山江塘餘于龍窟壩塘岸臨頴褚河決口濰縣白浪河堤潛山懷寧陂堰高要青岐羅婆圩通州徐龜食利等港平遙

廣濟渠句容楊家港王旱圩等堤肇慶鳳翔遙頭岡決岸南陽高家屯頭二堰及沙澧等河堤夏縣古河決口三十餘里修築和州保大等圩百二十餘里蓄水陡門九濬昌邑河渠五所鑿嘉定小橫瀝以通秦趙二涇濬崑山葫蘆等河命夏原吉治蘇松嘉興水患濬華亭上海運鹽河金山衛閘及漕涇分水港原吉言浙西諸郡蘇松最居下流嘉湖常頗高環以太湖綿亘五百里納杭湖宜歙溪澗之水散注澱山諸湖以入三泖頃爲浦港堙塞漲溢害稼拯治之法在濬吳淞諸浦按吳淞江袤二百餘里廣百五十餘丈西接太湖東通海前代常

疏之。然當潮汐之衝，旋疏旋塞。自吳江長橋抵下界浦，百二十餘里，水流雖通，實多窄淺。從浦抵上海南倉浦口，百三十餘里，潮汐淤塞，已成平陸。濫沙游泥，難以施工。嘉定劉家港，卽古婁江，徑入海。常熟白茆港，徑入海。皆廣川急流，宜疏。吳淞南北兩岸，安亭等浦，引太湖諸水入劉家白茆二港，使其勢分。松江大黃浦，乃通吳淞要道。今下流遇塞，難濬。旁有范家浜，至南倉浦口，徑達海。宜濬深濶。上接大黃浦，達泖湖之水。庶幾復禹貢三江入海之舊。水道旣通，乃相地勢，各置石閘，以時啟閉。每歲水涸時，預修圩岸，以防暴流。則水患可息。帝命發民丁開濬。原吉晝夜徒步，以身先之。功遂成。二年，修泰州河塘萬八千丈，興化南北堤，泰興沿江圩岸六合瓜步等屯濬丹徒通潮舊江。又修象山菱湖塘岸。海康徐聞二縣，那隱坡調黎等港堤岸。黃巖混水等十五閘。六陡門孟津河堤。分宜湖塘武陟馬田堤岸香山竹徑水陂。復興安分水塘。興安有江源出海陽山。江中橫築石埭，分南北渠。溉民田甚溥。埭上疊石如鱗，以防衝溢。嚴震直撤石增埭，水迫無所洩。衝塘岸盡趨北渠。南渠淺澀，民失利。至是修復如舊。海門民請發淮安蘇常民丁，協修張墩港東明港百餘里。潰堤。帝曰：三郡民方苦水。

患不可重勞遣官行視以揚州民協築之當塗民言慈湖瀕江上通宜歛東抵丹陽湖西接蕪湖久雨浸淫潮漲傷農宜遣勸修築帝從其請且諭工部安徽蘇松浙江江西湖廣凡湖泊卑下圩岸傾頽亟督有司治之夏原吉復奉命治水蘇松盡通舊河港又濬蘇州千墩浦致和塘安亭顧浦陸皎浦尤涇黃涇共二萬九千餘丈松江大黃浦赤雁浦范家浜共萬二千丈以通太湖下流先是修含山崇義堰未幾和州民言銅城閘上抵巢湖下通揚子江決圩岸七十餘處乞修治其吏目張良興又言水滄麻澧二湖田五萬餘頃宜築圩埂起桃花橋訖含山界三十里俱從之二年修上虞曹娥江壩埂溫縣馱塢村堤堰四千餘丈南海衛蓮塘四會縣鷓鴣水等堤岸無爲州周興等鄉及騰揚衛烏江屯江岸築昌黎及歷城小清河決堤應天新河口北岸從大勝關抵江東驛三千三百丈濬海州北舊河上通高橋下接臨洪場及山陽運鹽河十八里四年修築宣城十九圩豐城穆湖圩岸石首臨江萬石堤溧水決圩修懷寧斗潭河彭灘圩岸順天固安保定荆岱樂亭魯家套社河口吉水劉家塘雲陂江都劉家圩港築湖廣廣濟武家穴等江岸新建石頭岡圩岸江浦沿江堤開泰州運鹽

河普定秦潼河西溪南儀阡三處河口導流興化鹽城
界入海濬常熟福山塘三十六里五年修長洲吳江崑
山華亭錢塘仁和嘉興堤岸餘姚南湖壩築高要銀岡
金山等潰堤溉田五百餘頃治杭州江岸之淪者六年
濬浙江平陽縣河七年修安陸州渲馬灘決岸海鹽石
堤築泰興攔江堤三千九百餘丈且濬大港北淤河抵
縣南出大江四千五百餘丈八年修丹陽練湖塘汝陽
汝河堤岸南陵野塘圩蚌蕩壩松滋張家坑何家洲堤
岸平度州濰水浮糠河決口百十二堤堰八千餘丈吳
江石塘官路橋梁九年修安福丁陂等塘堰安仁饒家
陂壽光堤安陸京山景陵圩岸長樂官塘長洲至嘉興
石土塘橋路七十餘里泄水洞百三十一處監利車水
堤四千四百餘丈高安華陂屯陂堤仁和海寧海鹽土
石塘岸萬餘丈築沂州沐河口決岸并淪沐陽沐河築
直隸新城張村等口決堤仁和黃濠塘岸三百餘丈孫
家園塘岸二十餘里濬濰縣干丹河定襄故渠六十三
里引淳沱水灌田六百餘頃疏福山官渠濬江陰青陽
河道鄒平白條溝河三十餘里麗水民言縣有通濟渠
截松陽遂昌諸溪水入焉上中下三源流四十八派溉
田二千餘頃上源民洩水自利下源流絕沙壅渠塞請

修堤堰如舊。部議從之。齊東知縣張昇言：小清河洪水衝決，渰沒諸鹽場。及青州田請濬上流，修長堤，使水行故道。皇太子遣官經理之。鄆州民言：洛水橫決，而西衝塌州城東北隅。請濬故道。循州東山麓南流，從之。十年，修浙江平陽捍潮堤岸。黃梅臨江決岸，百二十餘里。海門捍潮堤，百三十里。築新會圩岸，二千餘丈。獻縣饒陽恭儉等岸。安邱紅河決岸。安州直亭等河決口八十九。華容安津等堤決口四十六。濬上海蟠龍江。淮縣白浪河。北京行太僕卿楊砥言：吳橋東光興濟交河及天津等衛屯田雨水決堤，傷稼。德州良店驛東南二十五里，有黃河故道，與州南土河通穿渠置閘，分殺水勢。大爲民便。命侍郎藺芳往理之。十一年，修蕪湖陶辛政和二圩。保定文安二縣河口決岸五十四。應天新河圩岸。天長福勝戚家莊二塘。滎澤大濱河堤。濬崑山太平河。十二年，修鳳陽安豐塘水門十六座。及牛角壩新倉舖塌岸。武陟郭村馬曲堤岸。聊城龍灣河。濮州紅船口。范縣曹村河堤岸。築三河決堤。濬海州官河二百四十里。解州民言：臨晉涑水河逆流，決姚暹渠堰，入砂地，渰民田。將及鹽池。尋又言：硝池水溢，決豁口入鹽池。以涑水渠姚暹渠併流。故命官修築。如其請。十三年，修興濟決岸。

南京羽林右衛刁家圩屯田堤吳江縣丞李昇言蘇松水患太湖爲甚急宜洩其下流若常熟白茆諸港崑山千墩等河長洲十八都港汶吳縣無錫近湖河道皆宜循其故迹濬而深之仍修蔡溼等閘候潮來往以時啟閉則泛濫可免而民獲耕種之利從之十五年修固安孫家口及臨漳固塚堤岸十六年修魏縣決岸十七年蕭山民言境內河渠四十五里溉田萬頃比年淤塞乞疏濬仍置閘錢清小江壩東庶旱潦無憂山東新城民言縣東鄭黃溝源出淄川下流壅沮霖潦妨農陳家莊南有乾河上與溝接下通烏江乞濬治竝從之十八年

海寧諸縣民言潮沒海塘二千六百餘丈延及吳家等壩通政岳福亦言仁和海寧壞長降等壩滄海千五百餘丈東岸赭山巖門山蜀山舊有海道淤絕久故西岸潮愈猛乞以軍民修築竝從之明年修海寧等縣塘岸二十一年修嘉定抵松江潮圯圩岸五千餘丈交趾順化衛決堤百餘丈文水民言文谷山常稔渠分引文谷河流袤三十餘里灌田今河潰洩水從其奏葺治之二十二年修臨海廣濟河閘洪熙元年修黃巖濱海閘壩視永樂初增府判一員專其事修獻縣饒陽恭儉堤及窯堤口宣德二年浙江歸安知縣華嵩言涇陽洪渠堰

溉五縣田八千四百餘頃。洪武時長興侯耿炳文前後修濬未久堰壞。永樂間老人徐齡言於朝遣官修築會營造不果乞專命大臣起軍夫協治從之。三年修灌縣都江等堰四十四。臨海民言胡巉諸閘渚水灌田近年閘壞而金鼇大浦湖涑舉嶼等河遂皆壅阻乞爲開築。帝曰水利急務使民自訴於朝此守令不得人爾命工部卽飭郡縣秋收起工仍詔天下凡水利當興者有司卽舉行毋緩視。巡按江西御史許勝言南昌瑞河兩岸低窪多良田洪武間修築水不爲患比年水溢岸圯二十餘處豐城安沙繩灣圩岸三千六百餘丈永樂間水衝改修百三十餘丈近者久雨江漲堤壞乞敕有司募夫修理中書舍人陸伯倫言常熟七浦塘東西百里灌常熟崑山田歲租二十餘萬石乞聽民自濬之皆詔可。四年修獻縣柳林口堤岸潛江民言蚌湖陽湖皆臨襄河水漲岸決害荊州三衛荆門江陵諸州縣官民屯田無算乞發軍民築治從之。福清民言光賢里官民田百餘頃堤障海水堤壞久田盡荒永樂中嘗命修治迄今未舉民不得耕帝責有司亟治而諭尚書吳中嚴飭郡邑陂池堤堰及時修濬慢者治以罪。五年巡撫侍郎成均言海鹽去海二里石嵌土岸二千四百餘丈水蓄其

石皆已刊斲。議築新石於岸內，而存其舊者，以爲外障。乞如洪武中，令嘉嚴紹三府協夫舉工，從之。六年，修瀏陽、廣濟諸縣堤堰。豐城西北臨江石堤，及西南七圩壩，石首臨江三堤，濬餘姚舊河池。巡撫侍郎周忱言：「深水永豐圩，周圍八十餘里，環以丹陽石臼諸湖。舊築埂壩，通陟門石塔，農甚利之。今頽敗，請葺治。」教諭唐敏言：「常熟耿涇塘，南接梅里，通昆承湖，北達大江。洪武中，濬以溉田。今壅阻，請疏導。」竝從之。七年，修眉州新津通濟堰，堰水出彭山，分十六渠，溉田二萬五千餘畝。河東鹽運使言：「鹽池近地姚暹，河流入五星湖，轉黃流，河兩岸窪下。比歲雨溢，水漲衝至解州，浪益急，遂潰南岸，沒民田三十餘里。鹽池護堤皆壞，復因下流凍水，河高壅淤，逆流。姚暹以決乞起民夫疏濬，從之。」蘇州知府況鍾言：「蘇松嘉湖，湖有六，曰太湖、龐山、陽城、沙湖、昆承、尚湖。永樂初，夏原吉濬導，今復淤。乞遣大臣疏濬。」乃命周忱與鍾治之。是歲，汾河驟溢，敗太原堤，鎮守都司李謙巡按御史徐傑，以便宜修治。然後馳奏，帝嘉獎之。八年，葺湖廣偏橋、衛高陂石洞。完縣南關舊河復和州銅城堰，開修安陽、廣惠等渠。磁州濬陽河，五瓜濟民渠。九年，修江陵枝江沿江堤岸，築薊州決岸，毀蘇松民私築堤堰。十年

築海鹽湖決海塘千五百餘丈主事沈中言山陰西小江上通金嚴下接三江海口引諸暨浦江義烏諸湖水以通舟江口近淤宜築臨浦戚堰障諸湖水俾仍出小江詔部覆奪正統元年修吉安沿江堤築海陽登雲都雲步村等決堤濬陝西西安灊橋河二年築蠡縣王家等決口修新會鸞臺山至瓦塘浦頹岸江陵松滋公安石首潛江監利近江決堤又修湖廣老龍堤以爲漢水所潰也三年疏泰興順德鄉三渠引湖溉田潞州永祿等溝渠二十八道通於漳河四年修容城杜村口堤設正陽門外減水河并疏城內溝渠荊州民言城西江水

高城十餘丈霖潦壞堤水卽灌城請先事修治寧夏巡撫都御史金濂言鎮有五渠資以行溉今明沙州七星漢伯石灰三渠久塞請用夫四萬疏濬溉蕪田千三百餘頃竝從之五年修太湖堤海鹽海岸南京上中下新河及濟川衛新江口防水堤溇縣南宮諸堤築順天河開及容城杜村口郎家口決堤塞海寧蠓巖決堤口濬鹽城伍祐新興二場運河初深水有鎮曰廣通其西固城湖入大江東則三塔堰河入太湖中間相距十五里洪武中鑿以通舟縣地稍窪而湖納寧國廣德諸水遇潦卽溢乃築壩於鎮以禦之而堰水不能至壩下是歲

改築壩於葉家橋。胭脂河者深水入秦淮道也。蘇松船皆由以達。沙石壅塞，因并濬之。山陽涇河壩上接漕河，下達鹽城，舊置絞關以通舟。歲久且敝，又恐盜洩水利，遂築塞河口。是歲從民請，修壩并復絞關。六年，造宣武門東城河南岸橋，修江米巷玉河橋及堤，并濬京城西南河。築豐城沙月諸河堤，蕪湖陶辛圩新堰，濬海寧官河及花塘河，狹石橋塘河，築瓦石堰二所。疏南京江洲，殺其水勢，以便修築塌岸。高郵知州韓簡言：官河上下二閘皆圯，河亦不通。且子嬰溝塞，減水陰洞閉，致旱澇無所濟，俱乞濬治。詔部覈實以行。七年，修江西廣昌江

岸，蕭山長山浦海塘，彭山通濟堰，築南京浦子口大勝關堤，九江及武昌臨江塌岸，濬江陵荆門潛江淤沙三十餘里。八年，修蘭溪卸橋浦口堤，弋陽官陂三所。濬南京城河。九年，修德州耿家灣等堤岸，杞縣離溝堤，築容城杜村堤決口，易上虞菱湖土壩為石閘，挑無錫里谷蘇塘華港上村李走馬塘諸河。東南接蘇州苑山湖塘，北通揚子江，西接新興河，引水灌田。濬杞縣牛墓岡舊河，武進太平永興二河，疏海鹽永安河，茶市院新涇陶涇塘諸河。都御史陳鑑言：朝邑多沙，難耕。縣治洛河，與渭水通，請穿渠灌之。新安民言：城南長溝河，西通徐

漕二水東連雄縣直沽沙土淤塞請發丁夫疏濬海陽
民蕭瑤言縣有長溪源出山麓流抵海口周袤湖郡故
登隆等都俱寘溝通漑惟隆津等都陸野絕水歲旱無
所賴乞開溝如登隆長樂民劉彥梁言嚴湖二十餘里
南接稠菴溪西通倒流溪可備旱溢又有張塘涵塘前
涵大塘涵陳塘港其利如嚴湖乞令有司疏濬廣濟民
言縣與鄰邑黃梅歲運糧三萬石於望牛墩小車盤剝
不堪其勞連城湖港廖家口有溝抵墩前淤淺不能行
船請與黃梅合力濬通以便水運竝從之十一年修洞
庭湖堤築登州河岸濬通州金沙場八里河以通運渠
任邱民言凌城港去縣二十五里內有定安橋河北十
八里通流東七里沙塞宜疏通與港相接入直沽張家
灣巡撫周忱言應天鎮江太平寧國諸府舊有石臼等
湖其中溝港歲辦魚課其外平圩淺灘聽民牧放孳畜
採掘菱藕不許種耕故山溪水漲有所宣洩近者富豪
築圩田遏湖水每遇泛溢害卽及民宜悉禁革竝從之
十二年疏平度州大灣口河道荊州公安門外河以便
公安石首諸縣輸納浙江聽選官王信言紹興東小江
南通諸暨七十二湖西通錢塘江近爲潮水湧塞江與
田平舟不能行久雨水溢鄰田輒受其害乞發丁夫疏

濬從之十三年築寧夏漢唐壩決口疏山西涑水河南海縣通海泉源鑿宣府城濠引城北山水入南城大河湖廣五開衛言衛與苗接山路峻險去衛三十里有水通靖州江亂石沙灘請疏以便輸運雲南鄧川州言本州民田與大理衛屯田接壤湖畔每歲雨水沙土壅淤禾苗渰沒乞命州衛軍民疏治竝從之十四年濬南海潘壩堤岸置水閘和州民言州有姥鎮河上通麻澧二湖下接牛屯大河長七十里許廣八丈又有張家溝連銅城閘通大江長減姥鎮之半廣如之灌旣降福等七十餘圩及南京諸衛屯田近年河潰闢圯率皆淤塞請興役疏濬仍於姥鎮豐山嘴葉公坡各建閘以備旱澇從之景泰元年築丹陽甘露等壩二年修玉河東西堤濬安定門東城河永嘉三十六都河常熟顧新塘南至當湖北至揚子江三年修泰和信豐堤築延安綏德決河綿州西盆河通江堤岸濬常熟七浦塘劍州海子疏孟瀆河浜涇十一工部言海鹽石塘十八里湖水衝決浮土修築不能久詔別築石塘捍之四年濬江陰順塘河十餘里東接永利倉大河西通夏港及揚子江雲南總兵官沐璘言城東有水南流源發邵甸會九十九泉爲一抵松花壩分爲二支一繞金馬山麓入滇池一從

黑窯村流至雲澤橋亦入滇池舊於下流築堰溉軍民田數十萬頃霖潦無所洩請令受利之家自造石閘啟閉以時報可五年疏靈寶黎園莊渠通鴻瀘澗溉田萬頃六年濬華容杜預渠通運船入江避洞庭險修容城白溝河杜村口固安楊家等口決堤七年尚書孫原貞言杭州西湖舊有二閘近皆傾圯湖遂淤塞按宋蘇軾云杭本江海故地水泉鹹苦自唐李泌引湖水入城爲六井然後井邑日富不可許人佃種周滄亦言西湖貴深濶因招兵二百專一撈湖其後豪戶復請佃湖日益填塞大旱水涸詔郡守趙興篋開濬芟荷芟蕩悉去杭民以利此前代經理西湖大略也其後勢豪侵占無已湖水淺狹閘石毀壞今民田無灌溉資官河亦澀阻乞敕有司興濬禁侵占以利軍民從之天順二年修彭縣萬工堰灌田千餘頃五年僉事李觀言涇水出涇陽仲山谷道高陵至櫟陽入渭袤二百里漢開渠溉田宋元俱設官主之今雖有瓠口鄭白二渠而堤堰摧決溝洫壅緒民弗蒙利乃命有司濬之八年永平民言漆河遠城西南流入海城趾皆石故水不能決其餘則沙土易潰前人於東北築土堤西南甃岸今歲久日塌宜作堤於東流橫以激之使合西流庶無蕩析患都御史項忠

言涇陽之瓠口鄭白二渠引涇水溉田數萬頃至元猶
溉八千頃其後渠日淺利因以廢宣德初遣官修鑿畝
收四三石無何復塞渠旁之田遇旱爲赤地涇陽醴泉
三原高陵皆患苦之昨請於涇水上源龍潭左側疏濬
訖舊渠口尋以詔例停止今宜畢其役西安城西井泉
鹹苦飲者輒病龍首渠引水七十里修築不易且利止
及城東西南皂河去城一舍許可鑿令引水與龍首渠
會別居民盡利邳州知州孟琳言榆行諸社俱臨沂河
久兩岸崩二十八處低田盡滄乞與修築竝從之成化
二年修壽州安豐塘四年疏石州城河六年修平湖周
家涇及獨山海塘七年潮決錢塘江岸及山陰會稽蕭
山上虞乍浦歷海二所錢清諸場命侍郎李暉修築八
年堤襄陽決岸十年廷臣會議江浦北城圩古溝北通
滁河浦子口城東黑水泉古溝南入大江二溝相望岡
壩中截宜鑿通成河旱引澇洩從之十一年濬杭州錢
塘門故渠左屬湧金門建橋閘以蓄湖水巡撫都御史
牟俸言山東小清河上接濟南趵突諸泉下通樂安沿
海高家港鹽場大清河上接東平坎河諸泉下通濱州
海豐利津沿海富國鹽場淤塞苦盤剝雨水又患滄沒
勸農參政唐瀛濬河造閘請令兼治水利詔可十二年

巡按御史許進言河西十五衛東起莊浪西抵肅州縣
亘幾二千里所資水利多奪於勢豪宜設官專理詔屯
田僉事兼之十四年倭言直隸蘇松與浙西各府頻年
旱澇緣周環太湖乃東南最窪地而蘇松尤最下之衝
故每逢積雨衆水奔潰湖泖漲漫渰沒無際按太湖卽
古震澤上納嘉湖宣歙諸州之水下通婁東吳淞三江
之流東江今不復見婁淞入海故跡具存其地勢與常
熟福山白茆二塘俱能導太湖入江海使民無墊溺而
土可耕種歷代開濬具有成法本朝亦常命官修治不
得其要而濱湖豪家盡將淤灘栽蒔爲利治水官不悉
利害率於泄處置石梁壅土爲道或慮盜船往來則釘
木爲柵以致水道堙塞公私交病請擇大臣深知水利
者專理之設提督水利分司一員隨時修理則水勢疏
通東南厚利也帝卽令倭兼領水利聽所濬築功成乃
專設分司十五年修南京內外河道十八年濬雲南東
西二溝自松華壩黑龍潭抵西南柳壩南村灌田數萬
頃修居庸關水關城券及隘口水門四十九樓舖墩臺
百二十二十年修嘉興等六府海田堤岸特選京堂官往
督之二十二年濬南京中下二新河弘治三年從巡撫
都御史邱彛言設官專領灌縣都江堰六年敕撫民參

政朱瑄濬河南伊洛彰德高平萬金懷慶廣濟南陽召
公等渠汝寧桃陂等堰七年濬南京天湖二河備軍衛
屯田水利七月命侍郎徐貫與都御史何鑑經理浙西
水利明年四月告成貫初奉命奏以主事祝萃自隨萃
乘小舟究悉源委貫乃令蘇州通判張旻疏各河港水
渚之大壩旋開白茆港沙面乘潮退決大壩水衝激之
沙泥刷盡潮水蕩激日益濶深水達海無阻又令浙江
參政周李麟修嘉興舊堤三十餘里易之以石增繕湖
州長興堤岸七十餘里貫乃上言東南財賦所出而水
患爲多永樂初命夏原吉疏濬時以吳淞江濼沙浮蕩
未克施工迨今九十餘年港浦愈塞臣督官行視濬吳
江長橋導太湖散入澱山陽城昆承等湖泖復開吳淞
江竝大石趙屯等浦洩澱山湖水由吳淞江以達於海
開白茆港白魚洪鮎魚口洩昆承湖水由白茆港以注
於江開斜堰七鋪鹽鐵等塘洩陽城湖水由七了港以
達於海下流疏通不復壅塞乃開湖州之澂涇洩西湖
天目安吉諸山之水自西南入於太湖開常州之百瀆
洩溧陽鎮江練湖之水自西北入於太湖又開諸陡門
洩漕河之水由江陰以入於大江上流亦通不復堙滯
是役也修濬河港涇瀆湖塘陡門堤岸百十五道役夫

二十餘萬。祝萃之功多焉。巡撫都御史王珣言：寧夏古渠三道，東漢中唐並通，惟西一渠傍山，長三百餘里，廣二十餘丈，兩岸危峻，漢唐舊跡俱埋，宜發卒濬鑿，引水下流，卽以土築東岸，建營堡屯兵，以遏寇衝。請帑銀三萬兩，并靈州六年鹽課以給其費。又請於靈州金積山河口開渠灌田，給軍民佃種，並從之。十八年，修築常熟塘壩，自尚湖口抵江，及黃泗等浦，新莊等沙三十餘處。濬杭州西湖，正德七年，修廣平滏陽河口堤岸。十四年，濬南京新江口右河。十五年，御史成英言：應天等衛屯田在江北，滁和六合者地勢低，屢爲水敗。從金城港抵濁河，達烏江，三十餘里，因舊跡濬之，則水勢洩而屯田利。詔可。嘉靖元年，築濬東鹿肥鄉獻魏堤渠。初，蘇松水道盡爲勢家所據，巡撫李充嗣畫水爲井地，示開鑿法。戶占一區，計工刻日，造濬川爬用巨筏數百，曳木齒，隨潮進退，擊汰泥沙，置小艇百餘，尾鐵帶以導之。濬故道，穿新渠，巨浦支流罔不灌注。帝嘉其勞，賚以銀幣。二年，修德勝門東朝陽門北城垣河道，築儀真江都官塘五區。十年，工部郎中陸時雍言：良鄉盧溝河、涿州琉璃胡良二河，新城雄縣白溝河、河間沙河、青縣滹沱河，下流皆淤，宜以時濬，使達於海。詔巡撫議之。十一年，太僕卿

何棟勸畿封河患有二一論滹沱河其一言真定鴨沙
磁三河俱發源五臺會諸支水抵唐河藺家圈合流入
河間東南經任邱霸州天津入海此故道也河間東南
高東北下故水決藺家口而肅寧新安皆罹其害宜築
決口濬故道涿州胡良河自拒馬分流至州東入渾河
良鄉琉璃河發源磁家務潛入地中至良鄉東入渾河
比者渾河壅塞二河不流然下流淤沙僅四五里請亟
濬之部覆允行郎中徐元祉受命振災上言河本以洩
水今反下壅淀本以瀦水今反上溢故畿輔常苦水順
天利害相半真定利多於害保定害多於利河間全受
其害弘正間嘗築長堤排決口旋即潰敗今惟疏濬可
施其策凡六一濬本河俾河身寬遠九河自山西來者
南合滹沱而不侵真定諸郡北合白溝而不侵保定諸
郡此第一義也一濬支河令九河之流經大清河從紫
城口入經文都村從涅槃口入經白洋淀從藺家口入
經章哥窪從楊村河入直遂以納細流水力分矣一濬
決河九河安流時本支二河可受遇漲則岸口四衝宜
每衝量存一口復濬令合成一渠以殺湍急備淫溢一
濬淀河令淀淀相通達於本支二河使下有所洩一濬
淤河九河東逝悉由故道高者下下者通占據曲防者

抵罪一濬下河九河一出青縣一出于字沽二流相匝於苑家口故施工必自苑家口始漸有成效然後次第舉行庶減諸郡水害帝嘉納之明年香河郭家莊自開新河一道長百七十丈濶五十丈近舊河十里餘詔河官亟繕治十三年巡撫都御史周金言蘭家園決口塞之則東溢病河閒不塞則東流漸淤病保定宜存決口而濬廣新河使水東北平流無壅澗患從之二十四年濬南京後湖初胡體乾按吳以松江泛溢進六策曰開川曰濬湖曰殺上流之勢曰決下流之壑曰排潮漲之沙曰立治田之規是年呂光洵按吳復奏蘇松水利五事一口廣疏濬以備潴洩三吳澤國西南受太湖諸澤水勢尤卑東北際海岡隴之地視西南特高高苦旱卑苦澇昔人於下流疏爲塘浦導諸湖水北入江東入海又引江潮流行於岡隴外潴洩有法水旱無患比來縱浦橫塘多堙不治惟黃浦劉河二江頗通然太湖之源多勢盛二江不足以洩之岡隴支河又多壅絕無以資灌溉於是高下俱病歲常告災宜先度要害於澱山等菱蘆地導太湖水散入陽城昆承三泖等湖又開吳淞江及大石趙屯等浦洩澱山之水以達於海濬白茆鮎魚諸口洩昆承之水以注於江開七浦鹽鐵等塘洩

陽城之水以達於江。又導田間之水悉入小浦以納大浦。使流者皆有所歸。滯者皆有所洩。則下流之地治而澇無所憂矣。乃濬艾祁通波以溉青浦。濬顧浦吳塘以溉嘉定。濬大瓦等浦以溉崑山之東。濬許浦等塘以溉常熟之北。濬臧村等港以溉金壇。濬澡港等河以溉武進。凡隴岡支河壅塞不治者皆濬之。深廣使復其舊。則上流之地亦治。而旱無所憂矣。此三吳水利之經也。一曰修圩岸以固橫流。蘇松常鎮東南下流。而蘇松又常鎮下流。易滯難洩。雖導河濬浦引注江海。而秋霖泛漲。風濤相薄。則河浦之水逆行。田間衝齧爲患。宋轉運使

王純臣嘗令蘇湖作田塍禦水。民甚便之。司農丞郊宜亦云。治河以治田爲本。故老皆云。前二三十年。民間足食。因餘力治圩岸。田益完美。近皆空乏。無暇修繕。故田圩漸壞。歲多水災。合較所在。官司專治圩岸。岸高則田自固。雖有霖澇不能爲害。且足制諸湖之水。咸歸河浦。中則不待決洩。自然湍流。而岡隴之地亦因江水稍高。又得畝引以資灌溉。不特利於低田而已。一曰復板閘以防淤澱。河浦之水皆自平原流入江海。水慢潮急。以故沙隨浪湧。其勢易淤。昔人權其便宜。去江海十里許。夾流爲閘。隨潮啟閉。以禦淤沙。歲旱則長閉以蓄其流。

歲澇則長啟以宣其溢所謂置閘有三利蓋謂此也近
多堙塞惟常熟福山閘尚存故老以爲河浦入海之地
誠皆置閘自可歷久不壅一日量緩急以處工費一日
重委任以責成功詔悉如議光洵因請專委巡撫歐陽
必進從之二十六年給事中陳斐請仿江南水田法開
江北溝洫以祛水患益歲收報可三十八年總督尚書
楊博請開宣大荒田水利從之巡撫都御史翁大立言
東吳水利自震澤濬源以注江三江導流以入海而蘇
州三十六浦松江八匯毘陵十四瀆共以節宣旱澇近
因倭寇衝突以港之交率多釘柵築堤以爲捍禦因致
水流停滯淤滓日積渠道之間仰高成阜且具區湖瀦
竝水而居者雜蒔芟蘆積泥成蕩民間又多自起圩岸
上流日微水勢日殺黃浦婁江之水又爲舟師所居下
流亦淤海潮無力水利難興民田漸磽宜於吳淞白茆
七浦等處造成石閘啟閉以時挑鎮江常州漕河深廣
使輸輓無阻公私之利也詔可四十二年給事中張憲
臣言蘇松常嘉湖五郡水患叠見請濬支河通潮水築
圩岸禦湍流其白茆港劉家河七浦楊林及凡河渠河
蕩壅淤沮洳者悉宜疏導帝以江南久苦倭患民不宜
重勞令酌濬支河而已四十五年參政凌雲翼請專設

御史督蘇松水利。詔巡鹽御史兼之。隆慶三年，開湖廣竹筒河，以洩漢江。巡撫都御史海瑞疏吳淞江下流上海淤地萬四千丈有奇，江面舊三十丈，增開十五丈，自黃渡至宋家橋長八十里。明年春，瑞言三吳入海之道，南止吳淞，北止白茆，中止劉河。劉河通達無滯，吳淞方在挑疏。土人請開白茆，計濬五千餘丈，役夫百六十四萬餘。又言吳淞役垂竣，惟東西二壩未開，父老皆言崑山夏駕口吳江長橋長洲寶帶橋吳縣胥口及凡可通流下吳淞者，逐一挑畢，方可開壩。竝從之。是年築海鹽海塘。越四年，從巡撫侍郎徐枋議，復開海鹽。秦駐山南至澈浦舊河。萬曆二十一年，築荊州采穴承天泗港謝家灣諸決堤口，復築荊岳等府及松滋諸縣老垸堤。四年，巡撫都御史宋儀望言三吳水勢，東南自嘉秀沿海而北，皆趨松江，循黃浦入海。西北自常熟沿江而東，皆趨江陰常熟。其中太湖瀦蓄，匯爲巨浸，流注龐山瀆墅澱山三泖陽城諸湖，乃開浦引湖北經常熟七浦，白茆諸港入於江。東北經崑山太倉，穿劉家河，東南通吳淞江，黃浦各入於海。諸水聯絡，四面環護，中如仰盂。杭嘉湖常鎮勢繞四隅，蘇州居中，松江爲諸水所受，最居下。乞專設水利僉事，以裨國計。部議遣御史董之。六年，巡撫都

御史胡執禮請先濬吳淞江長橋黃浦先是巡按御史
林應訓言蘇松水利在開吳淞江中段以通入海之勢
太湖入海其道有三東北由劉河卽古婁江故道東南
由大黃浦卽古東江遺意其中爲吳淞江經崑山嘉定
青浦上海乃太湖正脈今劉河黃浦皆通而中江獨塞
者蓋江流與海潮遇海潮渾濁賴江水迅滌之劉河獨
受巴陽諸湖又有新洋江夏駕浦從旁以注大黃浦總
會杭嘉之水又有澱山泖蕩從上而灌是以流皆清駛
足以敵潮不能淤也惟吳淞江源出長橋石塘下經龐
山九里二湖而入今長橋石塘已堙龐山九里復爲灘
漲其來已微又有新洋江夏駕浦掣其水以入劉河勢
乃益弱不能勝海潮洶湧之勢而滌濁渾之流日積月
累淤塞僅留一綫水失故道時致淫濫支河小港亦復
壅滯舊熟之田半成荒畝前都御史海瑞力破羣議挑
自上海江口宋家橋至嘉定艾祁八十里幸尚通流自
艾祁至崑山慢水港六十餘里則俱漲灘急宜開濬計
淺九千五百餘丈濶二十丈此江一開太湖直入於海
濱江諸渠得以引流灌田青浦積荒之區俱可開墾成
熟矣竝從之至是工成應訓又言吳江縣治居太湖正
東湖水由此下吳淞達海宋時運道所經畏風阻險乃

建長橋石塘以通牽挽長橋百三十丈爲洞六十有二石塘小則有竇大則有橋內外浦涇縱橫貫穿皆爲洩水計也石塘涇竇半淤長橋內外俱圯僅一二洞門通水若不疏濬雖開吳淞下流終無益也宜開龐山湖口由長橋抵吳家港則湖有所洩江有所歸源盛流長爲利大矣松江大黃浦西南受杭嘉之水西北受澱泖諸蕩之水總會於浦而秀州塘山涇港諸處實黃浦來源也澱山湖入黃浦道漸多淤淺宜爲疏濬而自黃浦橫澆泖涇經秀州塘入南泖至山涇港等處百四千餘丈待濬尤急他如蘇之茜涇楊林白茆七浦諸港松之蒲匯官紹諸塘常鎮之溧港九曲諸河併宜設法開導次第修舉八年又言蘇松諸郡幹河支港凡數百大則洩水入海次則通湖達江小則引流灌田今吳淞江白茆塘秀州塘蒲匯塘孟瀆河舜河青陽港俱已告成支河數十宜盡開濬俱從其請久之用儀望議特設蘇松水利副使以許應達領之乃濬吳淞八十餘里築塘九十餘處開新河百二十三道濬內河百三十九道築上海李家洪老鴉嘴海岸十八里發帑金二十萬應達以其半訖工三十七八年間淫雨浸溢水患日熾越數年給事中歸子顧言宋時吳淞江闊九里元末淤塞正統間

周忱立表江心疏而濬之崔恭徐貫李充嗣海瑞相繼濬者凡五迄今四十餘年廢而不講宜使江濶水駛塘浦支河分流四達疏入留中巡按御史薛貞復請行之下部議而未行至天啟中巡撫都御史周起元復請濬吳淞白茆崇禎初員外郎蔡懋德巡撫都御史李待問皆以爲請久之巡撫都御史張國維請疏吳江長橋七十二墩及九里石塘諸洞御史李謨復請濬吳淞白茆俱下部議未能行也十年增築雄縣橫堤八里禦濬泔暴漲十三年以尚寶少卿徐貞明兼御史領墾田使貞明爲給事中嘗請興西北水利如南人圩田之制引水成田工部覆議畿輔諸郡邑以上流十五河之水洩於貓兒一灣海口又極東隘故所在橫流必多開支河挑濬海口而後水勢可平疏濬可施然役大費繁而今以民勞財匱方務省事請罷其議乃已後貞明謫官著潞水客譚一書論水利當興者十四條時巡撫張國彥副使顧養謙方開水利於薊永有效於是給事中王敬民薦貞明特召還賜敕勘水利貞明乃先治京東州邑如密雲燕樂莊平谷水峪寺龍家務莊三河塘會莊順慶屯地薊州城北黃厓營城西白馬泉鎮國莊城東馬伸橋夾林河而下別山舖夾陰流河而下至於陰流遵化

平安城夾運河而下沙河鋪西城南鐵礮湧珠湖以下
韭菜溝上素河下素河百餘里豐潤之南則大寨刺榆
坨史家河大王莊東則榛子鎮西則鴉紅橋夾河五十
餘里玉田青莊塢後湖莊三里屯及大泉小泉至於瀕
海之地自水道沽關黑巖子墩至開平衛南宋家營東
西百餘里南北百八十里墾田三萬九千餘畝至真定
將治滹沱近墾地御史王之棟言滹沱非人力可治徒
耗財擾民帝入其言欲罪諸建議者申時行言墾田興
利謂之害民議甚舛顧爲此說者其故有二北方民游
惰好閑憚於力作水田有耕耨之勞胼胝之苦不便一
也貴勢有力家侵占甚多不待耕作坐收蘆葦薪芻之
利若開墾成田歸於業戶隸於有司則已利盡失不便
二也然以國家大計較之不使者小而便者大惟在斟酌
地勢體察人情沙灘不必盡開黍麥無煩改作應用
夫役必官募之不拂民情不失地利乃謀國長策耳於
是貞明得無罪而水田事終罷巡撫都御史梁問孟築
橫城堡邊墻慮寧夏有黃河患請堤西至河障水東流
從之十九年尚寶丞周弘禴言寧夏河東有漢秦二壩
請依河西漢唐壩築以石於渠外疏大渠一道北達鴛
鴦諸湖詔可二十三年黃淮漲溢淮揚昏墊議者多請

開高家堰以分淮寶應知縣陳樞爲御史慮高堰旣開
害民產鹽場請自興鹽迤東疏白塗河石礎口廖家港
爲數河分門出海然後從下而上濬清水子嬰二溝且
多開瓜儀開口以洩水給事中祝世祿亦言議者欲放
淮從廣陽射陽二湖入海廣陽濶僅八里射陽僅二十
丈名爲湖實河也且離海三百里迂迴淺窄高寶七
州縣水惟此一線宣洩之又使淮注焉田廬鹽場必無
幸矣廣陽湖東有大湖方廣六十里湖北口有舊官河
自官蕩至鹽城石礎口通海僅五十三里此導淮入海
一便也下部及河漕官議俱格不行旣而總河尚書楊
一魁言黃水倒灌正以海口爲阻分黃工就則石礎口
廖家港白駒場海口金灣芒稻諸河急宜開刷乃命如
議行之三十年保定巡撫都御史汪應蛟言易水可濬
金臺滹水可濬恒山滹水可濬中山滹水可濬襄國滹
水可濬鄴下而瀛海當衆河下流故號河中視江南澤
國不異至於山下之泉地中之水所在皆有宜各設壩
建閘通渠築堤高者自灌下則車汲用南方水田法六
郡之內得水田數萬頃畿民從此饒永無旱澇之患不
幸濱河有梗亦可改折於南取糴於北此國家無窮利
也報可應蛟乃於天津葛沽何家圈雙溝白塘令防海

軍丁屯種人授田四畝共種五千餘畝水稻二千畝收
多因上言墾地七千頃歲可得穀二百餘萬石此行之
而效者也是年真定知府郭勉濬大鳴小鳴泉四十餘
穴溉田千頃邢臺達活野狐二泉流爲牛尾河百泉流
爲灋河建二十一閘二堤灌田五百餘頃天啟元年御
史左光斗用應蛟策復天津屯田令通判盧觀象管理
屯田水利明年巡按御史張慎言言自枝河而西靜海
興濟之間萬頃沃壤河之東尚有鹽水沽等處爲膏腴
之田惜皆蕪廢今觀象開寇家口以南田三千餘畝溝
洫蘆塘之法種植疏濬之方皆具而有法人何憚而不
爲大抵開種之法有五一官種謂牛種器具耕作雇募
皆出於官而官亦盡收其田之入也一佃種謂民願墾
而無力其牛種器具仰給於官待納稼之時官十而取
其四也一民種佃之有力者自認開墾若干迨開荒旣
熟較數歲之中以爲常十一而取是也一軍種卽令海
防營軍種葛沽之田人耕四畝收二石緣有行月糧故
收租重也一屯種祖宗衛軍有屯田或五十畝或百畝
軍爲屯種者歲入十七於官卽以所入爲官軍歲支之
用國初兵農之善制也四法已行惟屯種則今日兵與
軍分而屯僅存其名當選各衛之屯餘墾津門之沃土

明史卷八十九
如官種法行之章下所司命太僕卿董應舉管天津至
山海屯田規畫數年開田十八萬畝積穀無算崇禎二
年兵部侍郎申用懋言永平灤河諸水逶迤寬衍可疏
渠以防旱潦山坡隙地便栽種宜令有司相地察源為
民興利從之

明史卷八十八終

明史卷八十九

志第六十五

總裁總理事務

經筵講官保兼太子太保和殿大學士兼管軍部尚書加級張廷玉等奏

敕修

兵一

明以武功定天下革元舊制自京師達於郡縣皆立衛
所外統之都司內統於五軍都督府而上十二衛為天
子親軍者不與焉征伐則命將充總兵官調衛所軍領
之既旋則將上所佩印官軍各回衛所蓋得唐府兵遺
意文皇北遷一遵太祖之制然內臣觀兵履霜伊始洪
宣以後狃於治平故未久而遂有土木之難于謙創立

團營簡精銳一號令兵將相習其法頗善憲孝武世四朝營制屢更而威益不振衛所之兵疲於番上京師之旅困於占役馴至末造尺籍久虛行伍衰耗流盜蜂起海內土崩宦豎降於關門禁軍潰於城下而國遂以亡矣今取其一代規制之詳及有關於軍政者著於篇

京營

侍衛上直軍

皇城守衛
京城巡捕

四衛營

京軍三大營一曰五軍一曰三千一曰神機其制皆備於永樂時初太祖建統軍元帥府統諸路武勇尋改大都督府以兄子文正爲大都督節制中外諸軍京城內外置大小二場分教四十八衛卒已又分前後中左右五軍都督府洪武四年士卒之數二十萬七千八百有奇成祖增京衛爲七十二又分步騎軍爲中軍左右掖左右哨亦謂之五軍歲調中都山東河南大寧兵番上京師隸之設提督內臣一武臣二掌號頭官二大營坐營官一把總二中營坐營官一馬步隊把總各一左右掖哨官如之又有十二營掌隨駕馬隊官軍設把總二又有圍子手營掌操練上直又刀手及京衛步隊官軍設坐營官一統四司以一二三四爲號把總各二又有幼官舍人營掌操練京衛幼官及應襲舍人坐營官一

四司把總各一。此五軍營之部分也。已得邊外降丁三千，立營分五司。一掌執大駕龍旗寶纛，勇字旗，負御寶及兵仗局什物。上直官軍一掌執左右二十隊勇字旗。大駕旗纛金鼓。上直官軍一掌傳令營旗牌御用監。監甲尚冠尚衣尚履什物。上直官軍一掌執大駕勇字旗。五軍紅盔貼直軍。上直官軍一掌殺虎手馬轎及前哨馬營。上直明甲官軍隨侍營隨侍東宮官舍遼東備禦。回還官軍提督內臣二。武臣二。掌號頭官二。坐司官五。見操把總三十四。上直把總十六。明甲把總四。此三千營之部分也。已征交趾，得火器法，立營肄習。提督內臣

武臣掌號頭官，皆視三千營，亦分爲五軍。中軍坐營內。臣一武臣一，其下四司各監鎗內臣一，把司官一把。總官二，左右掖哨皆如之。又因得都督譚廣馬五千匹，置營名五千。下掌操演火器及隨駕護衛馬隊官軍坐營內。內臣武臣各一，其下四司各把司官二。此神機營之分部也。居常五軍肄營陣三千肆巡哨。神機肄火器。大駕征行，則大營居中，五軍分駐步內騎外。騎外爲神機。神機外爲長圍，周二十里。樵採其中。三大營之制如此。洪熙時始命武臣一人總理營政。宣德五年，以成國公朱勇言選京衛卒隸五軍訓練。明年命科道及錦衣官覈

諸衛軍數。帝之征高煦及破兀良哈，皆以京營取勝焉。正統二年，復因勇言，令錦衣等衛守陵，衛卒存其半。其上直旗校、隸錦衣督操，餘悉歸三大營。土木之難，京軍沒幾盡。景帝用于謙爲兵部尚書，謙以三大營各爲教令，臨期調撥，兵將不相習，乃請於諸營選勝兵十萬，分十營團練。每營都督一、號頭官一、都指揮二、把總十、領隊一百、管隊二百。於三營提督中推一人充總兵官，監以內臣。兵部尚書或都御史一人爲提督，其餘軍歸本營。曰老家。京軍之制一變。英宗復辟，謙死，團營罷。憲宗立，復之，增爲十二。成化二年，復罷，命分一等次等訓練。尋選得一等軍十四萬有奇。帝以數多，令仍分十一營團練，而區其名，有奮耀、練顯、四武、營敢、果効、鼓四勇、營立、伸揚、振四威、營命、侯十二人掌之。各佐以都指揮、監以內臣。提督以勲臣，名其軍曰選鋒。不任者仍爲老家，以供役而團營之法。又稍變。二十年，立殫忠効義二營。練京衛舍人餘丁二營。永樂間設後廢，至是復設。未幾以無益罷。帝在位久，京營特注意，然缺伍至七萬五千有奇。大率爲權貴所隱占。又用汪直總督團營禁旅，專掌於內臣。自帝始也。孝宗卽位，乃命都御史馬文升爲提督。是時營軍久苦工役。成化末，余子俊嘗言之。文升

復力陳不可。又請於每營選馬步銳卒二千，遇警徵調。且遵洪永故事，五日一操，以二日走陣下營，以三日演武。從之。時尚書劉大夏、陳弊端十事，復奏減修乾清宮。卒。內臣謂其不恤大工，大學士劉健曰：「愛惜軍士，司馬職也。」帝納之。會戶部主事劉夢陽極論役軍之害，并及內臣主兵者，以語侵壽寧侯，下詔獄，遂格不行。武宗卽位，十二營銳卒僅六萬五百餘人，稍弱者二萬五千而已。給事中葛嵩請選五軍三千營精銳歸團練，而存八萬餘人於營，以供役。惠安伯張偉謬引舊制以爭，事遂已。隱占如故。寘鐸反，太監張永將京軍往討，中官權益重。及流寇起，邊將江彬等得幸，請調邊軍入衛。於是集九邊突騎家丁數萬人於京師，名曰外四家。立兩官廳，選團營及勇士四衛軍於西官廳操練。正德元年，所選官軍操於東官廳。自是兩官廳軍爲選鋒，而十二團營且爲老家矣。武宗崩，大臣用遺命罷之。當是時，工作浩繁，邊將用事，京營戎政益大壞。給事中王良佐奉敕選軍按籍，三十八萬有奇，而存者不及十四萬。中選者僅二萬餘。世宗立久之，從廷臣言，設文臣知兵者一人，領京營。是時額兵十萬七千餘人，而存者僅半。專理京營兵部尚書李承勛請足十二萬之數，部議遵弘治中例。

老者補以壯丁，逃故者清軍官依期解補，從之。十五年，都御史王廷相提督團營，條上三弊：一軍士多雜派工，作終歲不得入操，雖名團營聽征，實與田夫無異；二軍士替代吏胥需索重賄，貧軍不能辦，老羸苟且應役，而精壯子弟不得收練；三富軍憚營操，征調率賄將弁置老家數中，貧者雖老疲亦常操練，語頗切中。既而兩郊九廟諸宮殿之工起，役軍益多，兵部請分番爲二，半團操，半放歸，而收其月廩雇役，詔行一年。自後邊警急，團營見兵少，僅選騎卒三萬，仍號東西官廳，餘者悉老弱，仍爲營帥，中官私役。二十九年，俺答入寇，兵部尚書丁

汝夔覈營伍，不及五六萬人，驅出城門，皆流涕不敢前。諸將領亦相顧變色。汝夔坐誅，大學士嚴嵩乃請振刷以圖善。後吏部侍郎王邦瑞攝兵部，因言：國初京營勁旅不減七八十萬，元戎宿將常不乏人，自三大營變爲十二團營，又變爲兩官廳，雖浸不如初，然額軍尚三十萬，有奇。今武備積弛，見籍止十四萬餘，而操練者不過五六萬，支糧則有調遣則無比，敵騎深入，戰守俱稱無軍。卽見在兵，率老弱疲憊，市井遊販之徒，衣甲器械，取給臨時，此其弊不在逃亡，而在占役，不在軍士，而在將領。蓋提督坐營，號頭把總諸官，多世胄紈袴，平時占

役營軍以空名支餉臨操則肆集市人呼舞博笑而已
先年尚書王瓊毛伯溫劉天和常有振飭然將領惡
其害已陰謀阻撓軍士又習於驕惰競倡流言事復中
止釀害至今乞大振乾綱遣官精核帝是其言命兵部
議興革於是悉罷團營兩官廳復三大營舊制更三千
曰神樞罷提督監鎗等內臣設武臣一曰總督京營戎
政以咸寧侯仇鸞爲之文臣一曰協理京營戎政卽以
邦瑞充之其下設副叅等官二十六員已又從部議以
四武營歸五軍營中軍四勇營歸左右哨四威營歸左
右掖各設坐營官一員爲正兵備城守叅將二員備征
討帝以營制新定告於太廟行之又遣四御史募兵畿
輔山東山西河南得四萬人分隸神樞神機各設副將
一而增能戰將六員分領操練大將所統三營之兵居
常名曰練勇有事更定職名五軍營大將一員統軍一
萬總主三營副叅遊擊佐擊及坐營等官副將二員各
統軍七千左右前後叅將四員各六千遊擊四員各三
千外備兵六萬六千六百六十人神樞營副將二員各
統軍六千佐擊六員各三千外備兵四萬人神機營亦
如之已又定三大營官數五軍營一百九十六員神樞
營二百八員神機營一百八十二員共五百八十六員

在京各衛軍俱分隸三營分之爲三十三營合之爲三大營終帝世其制屢更最後中軍哨掖之名亦罷但稱戰守兵兼立車營故事五軍府皆開府給印主兵籍而不與營操營操官不給印戎政之有府與印自仇鸞始鸞方貴幸言於帝選各邊兵六萬八千人分番入衛與京軍雜練復令京營將領分練邊兵於是邊軍盡隸京師塞上有警邊將不得徵集邊事益壞鸞死乃罷其所置戎政廳首領官之屬而入衛軍則惟罷甘肅者隆慶四年大學士趙貞吉請收將權更營制極言戎政之設府鑄印以數十萬衆統於一人非太祖成祖分府分營本意請以官軍九萬分五營營擇一將分統訓練詔下廷臣議尚書霍冀言營制世宗熟慮而後定不宜更惟大將不當專設戎政不宜有印請如貞吉言制曰可於是三大營各設總兵一副將二其叅佐等官互有增損各均爲十人而五軍營兵均配二營營十枝屬二副將分統以侯伯充總兵尋改曰提督又用三文臣亦稱提督自設六提督後各持意見遇事旬月不決給事中溫純言其弊乃罷仍設總督協理二臣萬曆二年從給事中歐陽栢請復給戎政印汰坐營官二員五年巡視京營科臣林景暘請廣召募立選鋒是時張居正當國綜

明史卷八十九 志八十九
馭名實羣臣多條上兵事大旨在足兵選將營務頗飭
之帝厭政廷臣漸爭門戶習於偷惰遂日廢弛三十
六年尚書李化龍理戎政條上京營積弊敕下部議卒
無所振作及兵事起總督京營趙世新請改設教場城
內便演習太常少卿胡來朝請調京軍戍邊可變弱爲
強皆無濟於用天啟三年協理侍郎朱光祚奏革老家
軍補以少壯老家怨以瓦礫投光祚遂不果革是時魏
忠賢用事立內操又增內臣爲監視及把牌諸小內監
益募健丁諸營軍多附之莊烈帝卽位撤內臣已而復
用戎政侍郎李邦華憤京營弊壞請汰老弱虛冒而擇
材力者爲天子親軍營卒素驕有疑其爲變者勲戚中
官亦惡邦華害已蜚語日聞帝爲罷邦華代以陸完學
盡更其法京營自監督外總理捕務者二員提督禁門
巡視點軍者三員帝皆以御馬監司禮文書房內臣爲
之於是營務盡領於中官矣十年八月車駕闕城鎧甲
旌旗甚盛羣臣悉鸞帶策馬從六軍望見乘輿皆呼萬
歲帝大悅召完學入御幄獎勞酌以金卮然徒爲容觀
而已時兵事益亟帝命京軍出防勦皆監以中官廩給
優渥挾勢而驕多奪人俘獲以爲功輕折辱諸將士將
士益解體周延儒再入閣勸罷內操撤諸監軍京兵班

明史卷八十九
志
九
師還時營將率內臣私人不知兵兵惟注名支糧買替
紛紜朝甲暮乙雖有尺籍莫得而識也帝屢旨訓練然
日不過二三百人未昏遂散營兵十萬倖抽驗不及玩
惕佚罰者無算帝嘗問戎政侍郎王家彥家彥曰今日
惟嚴買替之禁改操練之法庶可救萬一然勢已晚帝
不憚而罷十六年襄城伯李國禎總戎政內臣王承恩
監督京營明年流賊入居庸關至沙河京軍出禦聞礮
聲潰而歸賊長驅犯闕守陴者僅內操之二千人京師
遂陷大率京軍積弱由於占役買閒其弊實起於統袴
之營帥監視之中官竟以亡國云京營之在南者永樂

北遷始命中府掌府事官守備南京節制在南諸衛所
洪熙初以內臣同守備宣德末設叅贊機務官景泰間
增協同守備官成化末命南京兵部尚書叅贊機務視
五部特重先是京師立神機營南京亦增設與大小二
教場同練軍士常操不息風雨方免有逃籍者憲宗命
南給事御史時至二場點閱成國公朱儀及太監安寧
不便詭言軍機密務御史詰問名數非宜帝爲罪御史
仍令守備叅贊官閱視著爲令嘉靖中言者數奏南營
耗亡之弊二十四年冬詔立振武營簡諸營銳卒充之
益以淮揚趨捷者江北舊有池河營專城守護陵寢二

營兵各三千，領以勲臣，別設場訓練。然振武營卒多無賴子，督儲侍郎黃懋官抑削之，遂譁毆懋官至死，詔誅首惡。以戶部尚書江東爲叅贊，東多所寬假，衆益驕。無復法紀，給事中魏元吉以爲言，因舉浙直副總兵劉顯往提督，未至池河，兵再變，毆千戶吳欽，詔顯亟往，許以州兵五百自隨。事始定，隆慶改元，罷振武營，以其卒千餘仍隸二場及神機營。萬曆十一年，叅贊尚書潘季馴言：操軍原額十有二萬，今僅二萬餘。祖軍與選充叅半，選充例不補營伍，由是虛請如祖軍收補已而王璘代季馴言：大小二場新舊官軍二萬三千有餘，請如北京各邊三千一百二十人爲一枝，每枝分中左右哨，得兵七枝，餘置旗鼓，下備各營缺，從之。巡視科臣阮子孝極論南營耗弊，言頗切中，然卒無振飭之者。已從尚書吳文華請，增叅贊旗牌，得以軍法從事，兼聽便宜調遣。二十一年，添設南中軍標營，選大教場卒千餘，設中軍叅將統練，規制雖具，而時徂苟安，闕茸一如北京。及崇禎中，流寇陷廬鳳，踞上流，有窺留都意。南中將士日夜惴惴，以護陵寢，守京城爲名，倖賊不東下而已。最後史可法爲叅贊尚書，思振積弊，未久而失，蓋無可言焉。

○侍衛上直軍之制，太祖卽吳王位，其年十二月，設拱衛

司領校尉隸都督府。洪武二年，改親軍都尉府。統中左右前後五衛軍，而儀鑾司隸焉。五年，造守衛金牌銅塗金爲之，長一尺，闊三寸，以仁義禮智信爲號，二面俱篆文。一曰守備，一曰隨駕，掌於尚寶司。衛士佩以上直，下直納之。十五年，罷府及司，置錦衣衛。所屬有南北鎮撫司十四所。所隸有將軍力士校尉，掌直駕侍衛巡察緝捕。已又擇公侯伯都督指揮之嫡次子，置勳衛散騎舍人，而府軍前衛及旗手等十一衛，各有帶刀官錦衣所隸將軍初名天武，後改稱大漢將軍，凡千五百人，設千百戶總旗七員，其衆自爲一軍，下直操練如制。缺至五十人，方補。月糈二石，積勞試補千百戶，亡者許以親子弟魁梧材勇者代。無則選民戶充之。永樂中，置五軍三千營，增紅盔明甲二將軍，及叉刀圍子手之屬，備宿衛。校尉力士僉民間丁壯，無惡疾過犯者，力士先隸旗手衛，後改隸錦衣，及騰驤四衛，專領隨駕金鼓旗幟及守衛四門校尉。原隸儀鑾司，司改錦衣衛，仍隸焉。掌擎執鹵簿儀仗，曰鑾輿，曰擎蓋，曰扇手，曰旌節，曰幡幢，曰班劍，曰斧鉞，曰戈戟，曰弓矢，曰馴馬，凡十司。及駕前宣召差遣，三日一更直，設總旗小旗，而領以勳戚官。官凡六管，大漢將軍及散騎舍人府軍前衛帶刀官者一管，五

軍營義刀圍子手者一管神樞營紅盔將軍者四聖節
正旦冬至及大祀誓戒冊封遣祭傳制用全直直三千
人餘則更番器仗衣服位列亦稍殊焉凡郊祀經筵巡
幸侍從各有定制詳禮志中居常當直將軍朝夕分候
午門外夜則司更共百人而五軍義刀官軍悉於皇城
直宿掌侍衛官輪直日一員惟掌錦衣衛將軍及義刀
手者每日侍尤嚴收捕之令及諸脫更離直者共計錦
衣衛大漢將軍一千五百七人府軍前衛帶刀官四十
神樞營紅盔將軍二千五百把總指揮十六明甲將軍
五百一把總指揮二大漢將軍八五軍營義刀圍子手
三千把總指揮八勳衛散騎舍人無定員旗手等衛帶
刀官一百八十此侍衛親軍大較也正統後妃主公侯
中貴子弟授官者多寄祿錦衣中正德時奏帶傳陞冒
銜者又不下數百人武宗好養勇士嘗以千把總四十
七人注錦衣衛帶俸舍餘千一百人充御馬監家將勇
士食糧騎操又令大漢將軍試百戶五年實授著爲令
倖竇開而恩澤濫宿衛稍輕矣至萬曆間衛士多占役
買閒其弊亦與三大營等雖定離直者奪月糈之例然
不能革太祖之設錦衣也專司鹵簿是時方用重刑有
罪者往往下錦衣衛鞠實本衛叅刑獄自此始文皇入

立倚錦衣爲心腹所屬南北兩鎮撫司南理本衛刑名及軍匠而北專治詔獄凡問刑奏請皆自達不關白衛帥用法深刻爲禍甚烈詳刑法志又錦衣緝民間情僞以印官奉敕領官校東廠太監緝事別領官校亦從本衛撥給因是恒與中官相表裏皇城守衛用二十二衛卒不獨錦衣軍而門禁亦上直中事京城巡捕有專官然每令錦衣官協同地親權要遂終明之世云初太祖取婺州選富民子弟充宿衛曰御中軍已置帳前總制親兵都指揮使後復省置都鎮撫司隸都督府總牙兵巡徼而金吾前後羽林左右虎賁左右府軍左右前後十衛以時番上號親軍有請得自行部不關都督府及定天下改都鎮撫司爲留守設左右前後中五衛關領內府銅符日遣二人點閱夜亦如之所謂皇城守衛官軍也二十七年申定皇城門禁約凡朝參門始啟直日都督將軍及帶刀指揮千百戶鎮撫舍人入後百官始以次入上直軍三日一更番內臣出入必合符嚴索以金幣出者驗視勘合以兵器雜藥入門者禽治失察者重罪之民有事陳奏不許固遏帝念衛士勞苦令家有婚喪疾病產子諸不得已事得自言情家無餘下父母俱病者許假侍養愈乃復先是新宮成詔中書省曰軍

士戰鬪傷殘，雖備行伍，可於宮牆外造舍以居之。晝則治生，夜則巡警。其後定十二衛，隨駕軍士直者，人給錢三百。二十八年，復於四門置舍，使恩軍爲衛士，執爨。恩軍者，得罪免死及諸降卒也。永樂中定制，諸衛各有分地。自午門達承天門左右，逮長安左右門，至皇城東西屬旗手、濟陽、濟川府軍及虎賁右金吾前、燕山前、羽林前八衛。東華門左右，至東安門左右，屬金吾羽林府軍。燕山四左衛、西華門左右，至西安門左右，屬四右衛。元武門左右，至北安門左右，屬金吾府軍。後及通州大興四衛。衛有銅符，頒自太祖。曰承，曰東，曰西，曰北，各以其門名也。巡者左半，守者右半。守官遇巡官，至合契而從事。各門守衛官，夜各領銅令申字牌，巡警自一至十六。內皇城衛舍四十，外皇城衛舍七十二，俱設銅鐸。次第循環。內皇城左右坐更將軍百，每更二十人。四門支更官八，交互往來，鈐印于籍，以爲驗。都督及帶刀千百戶，日各一人，領申字牌，直宿及點各門軍士。後更定都督府，改命侯伯僉書焉。洪熙初，更造衛士懸牌。時親軍缺伍，衛士不獲代。帝命選他衛軍守端直諸門。尚書李慶謂不可。帝曰：人主在布德，以屬人心。苟心相屬，雖非親幸，何患焉？宣德三年，命御史點閱衛卒。天順中，復增給

事。中一人。成化十年。尚書馬文升言。太祖置親軍指揮使司。不隸五府。文皇帝復設親軍十二衛。又增勇士數千員。屬御馬監。上直。而以腹心臣領之。比者日廢弛。勇士與諸營無異。皇城之內。兵衛無幾。諸監門卒。尤疲羸。至不任受甲。宜敕御馬監官。卽見軍選練。仍敕守衛官。常嚴步伍。譏察出入。以防微銷萌。帝然其言。亦未能有所整飭。正德初。嚴皇城紅舖巡徼。日令留守衛指揮五員。督內外夜巡軍。而兵部郎中主事各一人。同御史錦衣衛稽閱。毋攝他務。嘉靖七年。增直宿官軍衣糧。五年。一給萬曆十一年。於皇城內外。設把總二員。分東西管理。時門禁益弛。衛軍役於中官。每至空伍。貨市兒行。丐應點閱。又刀紅。盛日出。始一人直。直廬虛無人。坐更將軍。皆納月鏹於所轄。凡提號巡城印簿。走更諸事。悉廢。十五年。再申門禁。久之。給事中吳文煒。乞盡復舊制。不報。末年。有失金牌。久之。始覺者。挺擊之事。張差一妄男子。得闖入殿廷。其積弛可知。是後中外多事。啟禎兩朝。雖屢申飭。竟莫能挽。侵尋以至於亡。京城巡捕之職。洪武初。置兵馬司。譏察奸僞。夜發巡牌。旗士領之。覈城門。扃鑰。及夜行者。已改命衛所鎮撫官。而掌於中軍都督府。永樂中。增置五城兵馬司。宣德初。京師多盜。增官軍。

百人協五城逐捕已復增夜巡候卒五百成化中始命錦衣官同御史督之末年撥給團營軍二百弘治元年令三千營選指揮以下四員領精騎巡京城外又令錦衣官五旗手等衛官各一分地巡警巡軍給牌五年設把總都指揮專職巡捕正德中添設把總分畫京城外地南抵海子北抵居庸關西抵蘆溝橋東抵通州復增城內二員而益以團營軍定官卒賞罰例末年邏卒增至四千人特置叅將嘉靖元年復增城外把總一員并舊爲五分轄城內東西二路城外西南東南東北三路增營兵爲五千又十選一立尖哨五百騎厚其月糈命叅將督操而監以兵部郎是時京軍弊壞積久捕營亦然三十四年軍士僅三百餘以給事中邱岳等言削指揮焚經職而禁以軍馬私役騎乘萬曆十二年從兵部議京城內外盜發自卯至申責兵馬司自酉至寅責巡捕官賊衆則協力捕勦是後軍額倍增駕出及朝審錄囚皆結隊駐巷口籍伍雖具而士馬實凋弊不足用捕營提督一叅將二把總十八巡軍萬一千馬五千匹盜賊縱橫至竊內中器物獲其橦索竟不能得也莊烈帝時又以兵部左侍郎專督然營軍半虛廩馬多雇人騎失盜嚴限止五日玩法卒如故

○四衛營者永樂時以迤北逃回軍卒供養馬役給糧授室號曰勇士後多以進馬者充而聽御馬監官提調名隸羽林身不隸也軍卒相冒支糧不可稽宣德六年乃專設羽林三千戶所統之凡三千一百餘人尋改武驥騰驤左右衛稱四衛軍選本衛官四員爲坐營指揮督以太監別營開操稱禁兵器械衣甲異他軍橫於輦下往往爲中官占匿弘治末勇士萬一千七百八十人旗軍三萬一百七十人歲支廩粟五十萬孝宗納廷臣言覈之又令內臣所進勇士必由兵部驗送乃給廩五年籍其人數著爲令省度支金錢歲數十萬武宗卽位中官甯瑾乞留所沐人數言官及尚書劉大夏持不可不聽後兩官廳設遂選四衛勇士隸西官廳掌以邊將江彬太監張永等世宗入立詔自弘治十八年存額外悉裁之替補必兵部查駁而御馬監馬牛羊令巡視科道覈數旣而中旨免覈馬多虛增後數年御馬太監閔洪復矯旨選四衛官給事中鄭自璧劾其欺蔽不報久之兵部尚書李承勛請以選覈仍隸本部中官謂非便帝從承勛言十六年又命收復登極詔書所裁者凡四千人後五年內臣言勇士僅存五千餘請令子姪充選以備邊警部臣言故額定五千三百三十人八年清稽已

明史卷八十九
志
一
浮其數。且此營本非爲備邊設者。帝從部議。然隱射占
役。冒糧諸弊。率如故。萬曆二年。減坐營官二員。已復定。
營官缺。由兵部擇用。其後復爲中官所撓。仍屬御馬監。
廷臣多以爲言。不能從。四十二年。給事中姚宗文點閱
本營。言官勇三千六百四十七。僅及其半。馬一千四十
三。則無至者。官旗七千二百四十。止四千六百餘。馬亦
如之。乞下法司究治。帝不能問。天啓末。巡視御史高弘
圖請視三大營例。分弓弩短兵火器。加以訓練。至莊烈
帝時。提督內臣曹化淳奏改爲勇衛營。以周遇吉黃得
功爲帥。遂成勁旅。出擊賊輒有功。得功軍士畫虎頭於
皂布以衣甲。賊望見黑虎頭。軍多走避。其得功出京營
上云。

明史卷八十九終

明史卷九十

志第六十六

總裁官總理事務 經筵講官少保兼太子太保保和殿大學士兼管都察院御史加六級張廷玉等奉

敕修

兵二

衛所

班軍

太祖下集慶路為吳王罷諸翼統軍元帥置武德龍驤
豹韜飛熊威武廣武興武英武鷹揚驍騎神武雄武鳳
翔天策振武宣武羽林十七衛親軍指揮使司革諸將
襲元舊制樞密平章元帥總管萬戶諸官號而覈其所
部兵五千人為指揮千人為千戶百人為百戶五十人

爲總旗十人爲小旗天下既定度要害地係一郡者設所連郡者設衛大率五千六百人爲衛千一百二十人爲千戶所百十有二人爲百戶所所設總旗二小旗十大小聯比以成軍其取兵有從征有歸附有謫發從征者諸將所部兵既定其地因以留戍歸附則勝國及僭僞諸降卒謫發以罪遷隸爲兵者其軍皆世籍此其大畧也洪武三年陞杭州江西燕山青州四衛爲都衛復置河南西安太原武昌四都衛四年造用寶金符及調發走馬符牌用寶符爲小金牌二中書省大都督府各藏其一有詔發兵省府以牌入內府出寶用之走馬符牌鐵爲之共四十金字銀字者各半藏之內府有急務調發使者佩以行尋改爲金符凡軍機文書自都督府中書省長官外不許擅奏有詔調軍省府同覆奏然後納符請寶五年置親王護衛指揮使司每府三護衛衛設左右中前後五所所千戶二百戶十圍子手所二所千戶一七年申定兵衛之政征調則統於諸將事平則散歸各衛八年改在京留守都衛爲留守衛指揮使司在外都衛爲都指揮使司凡十三北平陝西山西浙江江西山東四川福建湖廣廣東廣西遼東河南又行都指揮使司二甘州大同俱隸大都督府九年選公侯都

督各衛指揮嫡長次子爲散騎參侍舍人隸都督府充宿衛或署各衛所事十三年丞相胡惟庸謀反誅革中書省因改大都督府爲五分統諸軍司衛所明年復置中都留守司及貴州雲南都指揮使司十五年三月頒軍法定律十六年詔各都司上衛所城池水陸地里圖二十年置大寧都指揮使司是年命兵部置軍籍勘合載從軍履歷調補衛所年月在營丁口之數給內外衛所軍士而藏其副於內府三十年定武官役軍之制指揮同知僉事四千戶三百戶鎮撫二皆取正軍三日一番上下直歸伍操練衛所直廳六守門二守監四守庫一皆任老軍歲一更建文帝嗣位置河北都司湖廣行都司文皇入立皆罷之而陞燕山三護衛爲親軍並建文時所立孝陵衛皆不隸五府後諸陵設衛皆如之移山西行都司所屬諸衛軍於北平設衛屯種永樂元年罷北平都司設留守行後軍都督府遷大寧都司於保定明年更定衛所屯守軍士臨邊險要者守多於屯在內平僻或地雖險要而運輸難至者皆屯多於守七年置調軍勘合以勇敢鋒銳神奇精壯強毅克勝英雄威猛十六字編百號制敕調軍及遣將比號同方往行十八年北京建在南諸衛多北調宣德五年從平江伯陳

瑄言以衛官職漕運東南之卒由是因八年減衛軍餘
丁正軍外每軍留一餘悉遣歸已復以幼軍備操者不
足三丁至七八丁者選一餘聽治生給軍裝正軍有故
卽令補伍毋再勾攝當是時都指揮使與布按並稱三
司爲封疆大吏而專閫重臣文武亦無定職世猶以武
爲重軍政修飭正德以來軍職冒濫爲世所輕內之部
科外之監軍督撫疊相躡壓五軍府如贅疣弁帥如走
卒總兵官領敕於兵部皆踞間爲長揖卽謂非體至於
末季衛所軍士雖一諸生可役使之積輕積弱重以隱
占虛冒諸弊至舉天下之兵不足以任戰守而明遂亡

矣崇禎三年范景文以兵部侍郎守通州上言祖制邊
腹內外衛所基置以軍隸衛以屯養軍後失其制軍外
募民爲兵屯外賦民出餉使如鱗尺籍不能爲衝鋒之
事并不知帶甲之人陛下百度振刷豈可令有定之軍
數付之不可問有用之軍糈投之不可知因條上清覈
數事不果行初洪武二十六年定天下都司衛所共計
都司十有七留守司一內外衛三百二十九守禦千戶
所六十五及成祖在位二十餘年多所增改其後措置
不一今區別其名於左以資考鏡

上十二衛

金吾前衛

金吾後衛

羽林左衛

羽林右衛

府軍左衛

府軍右衛

右衛

府軍衛

府軍左衛

府軍右衛

府軍左衛

府軍右衛

府軍前衛 府軍後衛 虎

黃左衛 錦衣衛 旗手衛

五軍都督府所屬衛所 凡本府在京屬衛曾經永樂十八年

左軍都督府在京 調北京者各註其下日調北京其

年月不重出後四府同 號騎右衛調北京 龍虎衛調

調北京 英武衛 潘陽右衛 潘陽左衛 在外浙江都司 杭州前衛

北京 英武衛 潘陽右衛 潘陽左衛 在外浙江都司 杭州前衛

調北京 英武衛 潘陽右衛 潘陽左衛 在外浙江都司 杭州前衛

所屬衛所 盤石衛 臨山衛 觀海衛 海寧衛 金鄉衛

東都司 定遼左衛 定遼後衛 定遼右衛 定遼中衛 定遼前

遼海衛 遼寧衛 遼寧後屯衛 遼寧左屯衛 遼寧右屯衛 義州衛

廣寧前屯衛 廣寧中護衛 廣寧後屯衛 山東都司 青州左護衛 後

右軍都督府在京 虎賁右衛 調北京 武德衛 調北京 雲南前

廣武 在外雲南都司 雲南左衛 雲南右衛 楚雄衛 臨安衛

景東衛 曲靖衛 金齒衛 洱海衛 越州衛 蒙化衛 六涼

馬隆衛 改雲南右護衛 革 平夷衛 洱海衛 越州衛 蒙化衛 六涼

千戶所 貴州都司 貴州衛 烏撒衛 普安衛 普定衛 層平

衛革 赤水衛 威清衛 龍里衛 安南衛 都勻衛 清平

畢節衛 四川都司 成都左護衛 成都右護衛 成都中護衛 成都後衛

黃平千戶所 成都前衛 成都後衛 成都中衛 成都左衛 成都右衛

成都右衛 成都前衛 成都後衛 成都中衛 成都左衛 成都右衛

寧川衛 茂州衛 建昌衛後屬行都司 重慶衛
 叙南衛 蘇州衛後為寧番衛屬行都司 瀘州衛
 松潘軍民指揮使司 嚴州衛革 青川 陝西都司
 千戶所 威州千戶所 大渡河千戶所 西安右護衛 西安中
 西左護衛後為神武右衛 西安左衛 西安右護衛 西安左
 護衛後為神武前衛 西安前衛 西安後衛 奉山衛改西安
 中護衛 西安右護衛 寧夏右護衛 臨洮衛 延安
 護衛又改神武右衛 平涼衛 慶陽衛 寧夏衛 涼州衛
 鞏昌衛 西寧衛後屬行都司 漢中衛 秦州衛
 後屬行都司 莊浪衛後屬行都司 洮州衛 蘭州衛 秦州
 岷州軍民指揮使司 鳳翔千戶所 丹衛後屬行都司
 使司 甘肅衛後為甘州後衛 山丹衛 河州軍民指揮
 永昌衛 寧夏中護衛 河西中 廣西都司 桂林左衛後為廣
 護衛後改雲南中護衛 南寧衛 廣西都司 桂林右
 衛 桂林中衛 梧州千戶所 柳
 川衛 駟象衛 留守中衛調北京 神策衛調北京 和陽
中軍都督府在京 廣洋衛 應天衛 調北京 和陽

衛調北京 牧馬 在外直隸 揚州衛 和州衛後改為
 千戶所 鎮海衛 滁洲衛 寧夏中屯衛革 高郵衛
 淮安衛 邳州衛 大河衛 沂州衛 金山衛 泗州衛 新
 壽州衛 蘇州衛 儀真衛 徐州衛 中都留守司 鳳陽右衛
 安慶衛 宿州千戶所 中都留守司 鳳陽中
 衛 皇陵衛 鳳陽衛 留守左衛 留守 河南都司
 中衛 長淮衛 懷遠衛 洪塘千戶所 汝寧衛後改
 歸德衛後屬中府 潼關衛後屬中府 弘農衛 河南衛 睢陽
 千戶所 信陽衛 彰德衛 武平衛後屬中府
 衛 宣武衛 寧國衛後為涿鹿衛後屬中府 懷慶
 衛 南陽衛 寧山衛後屬後府 潁州衛 安吉衛後為通州
 衛 親軍 潁上 千戶所 河南左護衛 河南中護衛
 護衛後并彭城衛
前軍都督府在京 天策衛後分為保安衛及保安右衛
 龍江衛後改為龍江 在外直隸 九江 湖廣都司 武昌
 左衛 飛熊衛調北京 衛 九江 湖廣都司 武昌

前衛 大寧後衛後為營州中護衛改寬河衛 會川
 衛俱改調京衛已上俱屬後府 營州中護衛 興州
 中護 山西都司 太原左衛 太原右衛 太原前衛
 衛革 蒲州千戶所 廣昌千戶所 雁門千戶所 山西行都司 大
 千戶所 寧化千戶所 大同右衛 大同 北平三護衛 燕
 左衛 大同右衛 朔州衛 北平三護衛 燕
 前衛 蔚州衛 朔州衛 太原左護衛 太原右護衛
 燕山中護衛 山西三護衛 太原中護衛 太原右護
 俱為親軍 山西三護衛 太原中護衛 太原右護
 後定天下都司衛所共計都司二十一 留守司二 內外
 衛四百九十三 守禦屯田羣牧千戶所三百五十九 儀
 衛司三十三 自儀衛司以下舊 宣慰使司二 招討使司
 二 宣撫司六 安撫司十六 長官司七十 原五 番邊都司
 衛所等四百七 後作四百 六十三

親軍上二十二衛舊制止十二衛後增設金吾左以下
 十衛俱稱親軍指揮使司不屬五府又設騰驤等四衛
 亦係親軍并武功永清彭城及長陵等十五衛俱不屬
 府金吾前衛 金吾後衛 羽林左衛 羽林右衛
 軍後衛 虎賁左衛 錦衣衛 旗手衛 已上舊為上
 十二衛 金吾左衛 金吾右衛 羽林前衛 已上北
 平三護衛 洪武三十五年陞 燕山左衛 燕山右衛
 衛舊為安吉衛已上北平都司七衛永樂四年陞俱為
 親軍 騰驤左衛 騰驤右衛 舊為神武前衛 武驤
 左衛 武驤右衛 已上四衛宣德八年以各衛養馬軍
 士及神武前衛官軍開設 武功中衛 洪武年間設
 武功左衛 宣德二年設 武功右衛 宣德六年設 永
 清左衛 永清右衛 彭城衛 已上北平三衛改常山
 三護衛 宣德初復為本衛又併河南三護衛多餘官軍
 於彭城衛 長陵衛 舊為南京羽林右衛 永樂二十二

戶所山東都司舊有青州左護衛後改天津右衛舊有貴州

衛所寧海衛州護衛革登州衛安東衛已下添設

靖海衛東昌衛臨清衛大嵩衛威海衛成山衛

濟寧衛舊武昌衛左護衛後改兗州左衛後膠州千

戶所添設諸城千戶所滕縣千戶所肥城千戶所膠州千

下所雄崖千戶所浮山前千戶所金山左千戶所

奇山千戶所濮州千戶所金山左千戶所徐寨前千戶所

山後千戶所儀衛司衡府儀衛司德府羣

涇府儀衛司衡府羣牧所德府羣

牧所涇府羣牧所德府羣

右軍都督府在京留守右衛虎賁右衛武德衛在

外直隸無後設陝西都司舊有階州衛沙州衛靈山

護衛舊泰山衛改西安左衛西安前衛西安後

慶陽衛鞏昌衛臨洮衛蘭州衛秦州衛

岷州衛舊軍民指揮使司嘉靖二十四年添設岷州西

十年革後存衛河州衛舊軍民指揮使司

前衛已下各衛舊無後設寧夏中屯衛寧夏

舊和州衛固原衛左屯衛寧夏右屯衛寧羌中屯衛

靖虜衛與安千戶所榆林衛寧夏後衛以花馬池十

鳳翔千戶所興安千戶所舊金州千戶所各所舊設

千戶所環縣千戶所文縣千戶所階州千戶所

舊屬秦州衛嘉靖二十二年改屬都司靈州千戶所

羌千戶所安邊千戶所寧夏平虜千戶所興武營千

戶所慶府儀衛司所肅府儀衛司所韓府儀衛司

司寧夏羣牧所安東羣牧所甘肅府儀衛司

行都司洪武十二年添設甘肅府儀衛司

甘肅衛分設永昌衛甘肅府儀衛司

山丹衛已上舊屬陝西都司肅州衛鎮番衛

甘肅衛分設永昌衛甘肅府儀衛司

山丹衛已上舊屬陝西都司肅州衛鎮番衛

甘肅衛分設永昌衛甘肅府儀衛司

山丹衛已上舊屬陝西都司肅州衛鎮番衛

甘肅衛分設永昌衛甘肅府儀衛司

二千戶所革 雲南左衛 雲南右衛 雲南前衛 雲南後衛

大理衛 楚雄衛 臨安衛 景東衛 曲靖衛 洱

海衛 永昌衛 舊為金齒軍民指揮使司 雲南中衛 雲南後衛

平夷衛 越州衛 六涼衛 雲南中衛 雲南後衛

已下後設 廣州衛 大羅衛 瀾滄衛 以瀾滄軍民

指揮使司改 騰衝衛 以騰衝軍民指揮使司改 楊林堡千

寧千戶所 宜良千戶所 通海前千戶所 楊林堡千

右千戶所 定遠千戶所 武定千戶所 木密關千戶

所 姚安中屯千戶所 舊為金齒千戶所 萬曆十三年改駐

所 鎮安千戶所 舊為永昌千戶所 萬曆十三年改駐

守 猛 鎮 姚 千 戶 所 永 平 前 千 戶 所 永 平 後 千 戶 所

改 駐 守 老 姚 關 永 平 前 千 戶 所 鳳 梧 千 戶 所 施 甸

官 茶 山 長 官 司 鎮 道 安 撫 司 楊 塘 安 撫 司 俱 屬 永 昌 衛

蠻 莫 安 撫 司 猛 臉 長 官 司 貴 州 都 司 舊 有 層 臺

猛 養 長 官 司 俱 萬 曆 十 三 年 改 設 貴 州 都 司 重 安 二 千

戶 所 俱 革 舊 有 平 伐 長 官 司 後 隸 都 勻 府 貴 州 衛 永

寧 衛 普 定 衛 平 越 衛 烏 撒 衛 普 安 衛 亦 水

衛 威 清 衛 興 隆 衛 新 添 衛 清 平 衛 平 壩 衛

安 莊 衛 龍 里 衛 安 南 衛 都 勻 衛 畢 節 衛

貴 州 前 衛 舊 無 後 改 安 龍 千 戶 所 白 撒 千 戶 所 摩 泥 千

重 安 千 戶 所 關 索 嶺 千 戶 所 樂 民 土 官 新 添 長 官 司 把 平 寨 長 官

所 安 南 千 戶 所 樂 民 土 官 新 添 長 官 司 把 平 寨 長 官

千 戶 所 七 星 關 千 戶 所 丹 行 長 官 司 已 上 屬 新 添 衛

司 丹 平 長 官 司 屬 平 越 衛 大 平 伐 長 官 司 屬 龍 里 衛

揚 義 長 官 司 屬 平 越 衛 大 平 伐 長 官 司 屬 龍 里 衛

中 軍 都 督 府 在 京 留 守 中 衛 神 策 衛 應 天 衛 和

牧 馬 千 戶 所 南 京 舊 所 在 外 直 隸 揚 州 衛 高 郵 衛

調 蕃 牧 千 戶 所 添 設 蘇 州 衛 太 倉 衛 淮 安 衛

鎮 海 衛 滁 州 衛 泗 州 衛 壽 州 衛 邳 州 衛 大 河 金

山 衛 沂 州 衛 安 慶 衛 宿 州 衛 舊 為 千 戶 所 潼 關

衛 已 下 舊 屬 河 南 都 司 歸 德 衛 武 平 衛 鎮 江 衛

已 下 添 設 廬 州 衛 六 安 衛 徐 州 左 衛 建 陽 衛

汝 寧 千 戶 所 松 江 中 千 戶 所 青 州 中 前 千 戶 所

南匯嘴中後千戶所 嘉興中左千戶所在府 吳淞
 江千戶所 寶山千戶所 劉一堡千戶所 崇明
 沙千戶所 興化千戶所 東海千戶所 通海千戶所 泰州千戶所
 所 鹽城千戶所 中都留守司 鳳陽衛 鳳陽中衛 鳳陽右衛
 所 莒州 中 衛 皇陵衛 舊有洛陽中衛 鳳陽右衛
 守中衛 長淮衛 懷 河南都司 舊有洛陽中衛 鳳陽右衛
 遠衛 洪塘千戶所 懷 睢陽衛 舊有洛陽中衛 鳳陽右衛
 彰德衛 南陽衛 懷慶衛 潁川衛 武衛 信陽衛 河南衛
 已下添設 汝州衛 懷慶衛 潁川衛 武衛 南陽中護衛
 名鈞州後改 嵩縣千戶所 唐縣右千戶所 禹州千戶所 護衛
 千戶所 鄧州前千戶所 伊府儀衛司 徽府儀衛司 趙府儀
 衛司 唐府儀衛司 崇府儀衛司 徽府儀衛司 趙府儀
 鄭府儀衛司 崇府儀衛司 徽府儀衛司 趙府儀
 牧所 鄭府儀衛司 崇府儀衛司 徽府儀衛司 趙府儀
 前軍都督府在京 留守前衛 龍驤衛 徽府儀衛司 趙府儀
 直隸 九江 湖廣都司 舊有武昌右千戶所 黃州衛 武昌衛
 岳州衛 蕪湖衛 長沙衛 衡州衛 常德衛

沅州衛 寶慶衛 沔陽衛 清浪衛 靖州衛 永定衛
 陵衛 鎮遠衛 偏橋衛 九溪衛 武昌護衛 襄陽護
 境 寧遠衛 已下添設 銅鼓衛 武昌護衛 襄陽護
 衛 郴州千戶所 忠州千戶所 麻寮千戶所 四川境 添平千戶所 安
 福千戶所 武崗千戶所 在四境 澧州千戶所 大庸千戶所 寧溪
 桂陽千戶所 常寧千戶所 武崗千戶所 在四境 澧州千戶所 大庸千戶所 寧溪
 戶所 常寧千戶所 武崗千戶所 在四境 澧州千戶所 大庸千戶所 寧溪
 枇杷千戶所 錦田千戶所 鎮溪千戶所 寧遠千戶所 桃川千戶所 江華千
 戶所 城步千戶所 錦田千戶所 鎮溪千戶所 寧遠千戶所 桃川千戶所 江華千
 宜章千戶所 廣安千戶所 新化千戶所 大田千戶所 新化亮寨千戶所
 戶所 中湖千戶所 廣安千戶所 新化千戶所 大田千戶所 新化亮寨千戶所
 所 隆里千戶所 銅鼓千戶所 榮府儀衛司 岷府儀衛司 荆
 府儀衛司 雍府儀衛司 荆府儀衛司 岷府儀衛司 荆
 司 吉府儀衛司 雍府儀衛司 荆府儀衛司 岷府儀衛司 荆
 羣牧所 榮府羣牧所 雍府羣牧所 岷府羣牧所 荆
 使司屬都司 臘惹洞長官司 麥著黃洞長官司 宣慰
 驢遲洞長官司 施溶溪長官司 白崖洞長官司

府軍左衛 府軍右衛 府軍前衛 府軍後衛
虎賁左衛 錦衣衛 旗手衛 金吾左衛 金吾右

孝陵衛 儀牲千戶所 本府所屬衛仍隸北京左

五軍都督府屬左軍都督府 本府所屬衛仍隸北京左

水軍左衛 驍騎右衛 龍虎衛 龍虎左衛 舊為

成都右護衛 宣德六年改 英武衛 瀋陽左衛 右衛

陽右衛 右軍都督府 本府所屬衛仍隸北京右府

龍江右衛 武德中軍都督府 本府所屬衛仍隸北京中府

右衛 廣武衛 和 前軍都督府 本府所屬衛仍隸北

洋衛 應天衛 千戶所 飛熊衛 天策衛 留守前衛

陽衛 龍江左衛 龍驤衛 飛熊衛 天策衛 留守前衛

軍都督府 本府所屬衛仍隸北京後府 留守後衛

指揮指揮千百戶鎮撫等官賜以敕書印記設都司千

所

都司一 奴兒于都司

衛三百八十四 朵顏衛 泰寧衛 建州衛 必里衛

置 兀者衛 兀者左衛 兀者右衛 兀者後衛

赤不罕衛 屯河衛 安河衛 已上永樂二年置 毛

憐衛 虎兒文衛 撒力衛 已上永樂三年置 古賁河

舊會典有溫河 塔魯木衛 蘇溫河衛 幹灘河衛 舊

衛 右城衛 兀者前衛 蘇溫河衛 亦罕河衛

會典有灘納河 兀者前衛 蘇溫河衛 亦罕河衛

納憐河衛 麥蘭河衛 兀列河衛 雙城衛 撮刺

見衛 亦馬刺衛 幹蘭衛 兀列河衛 雙城衛 撮刺

衛 卜刺罕衛 密陳衛 脫倫衛 嘉里衛 脫木河

衛 阿速江衛 速平江衛 脫倫衛 嘉里衛 脫木河

衛 土魯罕山衛 木塔里山衛 朶林山衛 兀也

吾衛 吉河衛 劄竹哈衛 舊會典有撒竹藍 福山

衛舊會典作福三 肥河衛 哈溫河衛 舊會典作哈
 里河 木東河衛 撒兒忽衛 罕答河衛 舊會典作
 忽答河 割童衛 上永樂四年置 阿古河衛 喜
 樂溫河衛 哥吉河衛 野木河衛 納刺吉河衛 亦
 的河衛 哥野兒定河衛 野木河衛 納刺吉河衛 亦
 里察河衛 烏河 舊會典作喜速烏 考郎兀衛 好屯河衛 亦
 里河 刺烏河 舊會典作喜速烏 考郎兀衛 好屯河衛 亦
 山衛 古魯渾山衛 隨滿河衛 撒秃河衛 阿里河衛 答刺
 河 舊會典作納刺河 撒只刺河 甫里河衛 答刺
 會典作阿吉河 甫門河衛 亦文山衛 木蘭河衛 舊
 列山衛 童寬山衛 兀魯罕河衛 塔罕山衛 益實衛 者
 魯衛 乞忽衛 兀里溪山衛 牙魯衛 益實衛 者
 河衛 阿者迷河衛 撒察河衛 幹蘭河衛 阿真
 河衛 木忽阿河衛 欽真河衛 克默河衛 薛秃刺
 秃山衛 嘔罕河衛 阮里河衛 莫溫河衛 劉門河衛 薛秃刺
 河衛 寶山衛 忽里急山衛 葛林衛 把城衛
 衛已上永樂六年置 卜魯兀衛 葛林衛 把城衛

割肥河衛 忽石門衛 割嶺上衛 木里吉衛
 忽兒海衛 伏里其衛 乞勒尼衛 愛河衛 把
 衛 和屯吉衛 失里木衛 阿倫衛 古里河衛
 塔麻速衛 已上永樂七年置 木興河衛 本刺河衛
 舊會典作木東河衛 喜申衛 使防河衛 舊會典作
 使方河 甫兒河衛 亦麻河衛 兀應河衛 法因
 河衛 阿答赤河衛 舊會典作督罕河衛 古木山衛 葛
 構哥衛 已上永樂八年置 督罕河衛 建州左衛 葛
 只兒蠻衛 兀刺衛 順民衛 曩哈兒衛 建州左衛 葛
 舊會典作古魯山 滿徑衛 哈兒蠻衛 塔亭衛
 也孫倫衛 可木河衛 弗思木衛 弗提衛 已上永
 樂十年置 幹朵倫衛 永樂十一年置 哈兒分衛
 阿兒溫河衛 老哈塔河衛 失兒兀赤河衛 卜魯秃河衛
 和十羅衛 乞塔河衛 兀刺忽衛 已上永樂十二年
 置 可和衛 乞塔河衛 兀刺忽衛 已上永樂十二年
 已上永樂十三年置 割真衛 兀思哈里衛 忽魯愛衛
 永樂十四年置 阿真同真衛 亦東河衛 忽山衛 已上
 衛已上永樂十五年置 建州右衛 亦東河衛 忽山衛 已上
 答赤衛 塔山左衛 舊會典作塔山前 益實左衛 亦迷河

乞忽衛 阿林衛 哈兒速衛 巴答衛 脫木衛
 忽把衛 速哈兒衛 馬失衛 塔賽衛 剌里衛
 答衛 亦蠻衛 恨克衛 哈失衛 交枝衛 葛衛 蜀河
 賽因衛 赤山衛 哈察衛 革出衛 卜答衛
 所二十四 兀者 托溫 千戶所 哈魯門山 千戶所 兀者
 穩免赤千戶所 兀者 已得 的河 千戶所 魚失千戶所 兀者
 年千戶所 屯河 千戶所 哈三千戶所 兀者 屯河 兀者
 千戶所 古賈河 千戶所 哈音千戶所 鎖郎塔 真河
 千戶所 兀者 揆野人 千戶所 別兒真站 哈魯門 千戶所
 秃河 千戶所 兀者 兀站 七 亦帖站 弗孫河 站 亦
 詩溫河 千戶所 兀站 亦帖站 弗孫河 站 亦
 者撒野人 千戶所 兀站 亦帖站 弗孫河 站 亦
 河衛忽把希站 古代替站 亦馬河 咬東 寨一 黑龍江
 河地面 撒哈地面 黑龍江地面 寨一 黑龍江
 河地面 撒哈地面 黑龍江地面 寨一 黑龍江

西北諸部在明初服屬授以指揮等官設衛給誥印

衛六 赤斤蒙古衛 罕東衛 安定衛 阿端衛 曲先衛 哈密衛

西番即古土番洪武初遣人招諭又令各族舉舊有官

職者至京授以國師及都指揮宣慰使元帥招討等官

俾因俗以治自是番僧有封灌頂國師及贊善闡化等

王大乘大寶法王者俱給印誥傳以為信所設有都指

揮使司指揮司

都指揮使司二 烏思藏都指揮使司 指揮使司 指揮使司 一 隴答

司 宣慰使司三 朵甘衛都指揮使司 董卜韓胡宣慰使

招討司六 朵甘思招討司 長河西魚通寧遠宣慰使司 朵甘川招

討司 磨兒 萬戶府四 沙兒可萬戶府 乃竹萬戶府
 勘招討司 羅思端萬戶府 別思麻萬
 戶千戶所十七 朵甘思千戶所 長河西千戶所 多八三
 府千戶所 加八千戶所 兆日千戶所 納竹千戶
 孫千戶所 倫答千戶所 果由千戶所 撒里土兒千戶所 哈忽的千
 戶所 孛里加思千戶所 刺錯牙千戶所 泄里壩千戶所 潤則
 魯孫千戶所

○班軍者衛所之軍番上京師總為三大營者也初永樂
 十三年詔邊將及河南山東山西陝西各都司中都留
 守司江南北諸衛官簡所部卒赴北京以俟臨闕京操
 自此始仁宗初因英國公張輔等言調直隸及近京軍
 番上操備諭以畢農而來先農務遣歸既而輔言邊軍

比悉放還京軍少請調山東河南中都淮揚諸衛校閱
 制曰可又敕河南山東山西大寧及中都將領凡軍還
 取衣裝者以三月畢務七月至京老弱者選代官給之
 馬歲春秋番上共十六萬人大寧七萬七百餘中都山
 東遞殺河南最少僅一萬四千有奇定為例後允成國
 公朱勇等請罷鞏昌諸衛及階文千戶所班軍代以陝
 西內地卒山東衛士沿海備倭沿海衛士復內調通州
 衛士漕淮安粟安慶衛士赴京操不便皆更之已并放
 還陝西班軍正統中京操軍皆戍邊乃遣御史於江北
 山東北直選卒為京師備景泰初邊事棘班軍悉留京

間歲乃放還取衣裝于是于謙石亨議三分之留兩番
操備保定河間天津放五十日河南山東九十日淮揚
中都百日紫荆倒馬白羊三關及保定諸城戍卒屬山
東河南者亦如之逃者官鑄秩三等卒盡室謫邊衛明
年謙又言班軍分十營團練久不得休請仍分兩番報
可成化間河南秋班軍二千餘不至下御史趣之海內
燕安外衛卒在京祇供營繕諸役勢家私占復半之卒
多畏苦往往愆期乃定違限罪輕者發居庸密雲山海
關罰班六月重者發邊衛罰班至年半令雖具然不能
革也弘治中兵部言占役之害罰治如議於是選衛兵
八萬團操內外各半外衛四萬兩番迭上李東陽極言
工作困軍班軍逾期不至大率坐此帝然之末年歸大
寧卒兩班萬人正德中宣府軍及京營互調春秋番換
如班軍例迄世宗立乃已嘉靖初尚書李承勛言永樂
中調軍番上京師後遂踵爲故事衛伍半空而在京者
徒供營造不若省行糧之費以募工作御史鮑象賢請
分班軍爲三二入營操一以赴役通政司陳經復請半
放之收其糧募工皆不行久之從朔國公郭勛言寬河
南因災不至班軍而論後犯者罪必如法兵部因條議
軍士失期治將領之罪以多寡爲差重者至鑄秩戍邊

報可其後邊警棘乃併番上軍爲一班五月赴京十一月放還每歲秋防見兵十五六萬仇鸞用事抽邊卒入衛凡選士六萬八千餘又免大寧等衛軍京操改防薊鎮班軍遂耗減豐城侯李熙覈其數僅四萬人因請改徵銀召募而以見軍四萬歸營操練嚴嵩議以各衛兵雖有折乾之弊然清覈令下猶凜凜畏罪若奉旨徵銀恐借爲口實祖宗良法深意一旦蕩然帝是之折乾者衛卒納銀將弁以免其行有事則召募以應亡何從平江伯陳圭奏仍令中都山東河南軍分春秋兩班別爲一營春以二月至八月還秋以九月至來歲二月還工作毋擅役隆慶初大發卒治河軍人憚久役逃亡多部議於見役軍中簡銳者著伍而以老弱供畚鍤萬曆二年科臣言班軍非爲工作設下兵部止議以小工不得概派而已時積弊已久軍士苦役甚多愆期不至故事失班脫逃者罰工銀追月糈其後額外多徵軍益逃中都尤甚自嘉靖四十三年後積逋工銀至五十餘萬兩巡撫都御史張紳乞蠲額外工價軍三犯者不必罰工竟調邊衛而巡視京營給事中王道成則言凡軍一班不到卽係一年脫伍盡扣月糧本軍仍如例解京罰補正班三年脫班仍調邊衛竝報可衛軍益大困後二十

九年帝以班軍多老弱雇倩令嚴飭之職方主事沈朝
煥給班軍餉皆備諸馬因言班軍本處有大糧到京有
行糧又有鹽斤銀所費十餘萬金今皆虛冒請解大糧
貯庫有警可召募有工可雇役部議請先申飭俟大工
竣行之是時專以班軍爲役夫番上之初意盡失矣又
五年內庭有小營繕中官陳永壽請仍用班軍可節省
給事中宋一韓爭之謂班軍輪操卽三大營軍所係甚
重今邊鄙多事萬一關吏不謹而京師團練之軍多召
募游徼之役多役占皇城宿衛多白徒四衛扈從多廝
役卽得三都司健卒三萬猶不能無恐况動以興作廢

削名存實亡緩急何賴哉不聽四十年給事中麻僖請
恤班操之苦後六年順天巡撫都御史劉日梧言班軍
無濟實用因陳募兵十利是時法益弛軍不營操皆居
京師爲商販工藝以錢入班將啟禎時邊事洶洶乃移
班軍於邊築垣負米無休期而糗糧缺軍多死班將往
往邊草特敕兵部右侍郎專督理鑄印給之然已無及

